



L'onorevole con la
“p”...minuscola

Commedia in due atti
di
Santo Capizzi

Santo Capizzi

Cell. 347 80 60 577
santocapizzi1@alice.it
www.santocapizzi.it

*A te,
se ci sarai.*

S.C.

Questa storia è semplicemente frutto della fantasia, pertanto ogni riferimento a persone, fatti e luoghi è del tutto casuale.

S.C.

Sinossi

Un politichetto di quartiere aspirante onorevole, accetta di "intercedere" affinché un giovane e brillante laureato, trovi quella sistemazione che nonostante gli sforzi ed i requisiti posseduti non riesce a scorgere perché perennemente scavalcato dai soliti raccomandati.

La politica, quella con la "p" minuscola, entra in scena sotto richiesta della madre del laureato, che vi si rivolge per evitare che il figlio evidentemente scorato, compia qualche sciocchezza.

Il politichetto di quartiere, amico d'infanzia di lei e del marito, non rifiuta il suo interessamento e prendendo la palla al balzo lo subordina imprescindibilmente a delle condizioni, la più importante delle quali è che il padre del giovane, segretario di un sindacato, lo aiuti ad essere eletto alle imminenti elezioni regionali.

Ma il politichetto e la madre del giovane, non hanno fatto i conti con l'acerrima rivalità che il marito e l'aspirante onorevole coltivano sin dall'infanzia.

La ricerca dell'accordo passerà attraverso l'evolversi di situazioni divertenti che non mancheranno di denunciare il malcostume di cui si veste la nostra società, quando è guidata da persone inadatte.

Il padre ad un certo punto si piegherà sotto lo schiacciante peso della responsabilità verso il figlio, mettendo "la sua dignità dentro un cassetto"; ma quando il figlio scoprirà casualmente di avere ottenuto un lavoro con le sole proprie forze e quindi sarà improvvisamente cambiata la prospettiva delle cose, si prenderà la sua rivincita nei confronti dell'avversario di sempre.

Nota dell'autore

Spaccato della società, quest'opera vuole essere rilettura analitica di una fotografia della realtà, proposta in chiave umoristica mediante una comicità che trasuda ironia in ogni sua scena, in ogni su parola. Commedia brillante, divertente e scorrevole, che non perde però l'opportunità di essere anche denuncia. Commedia che già nel titolo rivela chiaro il filo tematico che l'attraversa: il paradosso!

Paradossale è la "p" minuscola del titolo, "p" di quella parte della politica che appare inadeguata, approfittatrice, ammaliatrice, quella politica che il personaggio di turno si cuce addosso come un abito personale che vuole vesta a pennello solo se stesso.

E quando l'ombra di questa politica si allunga sulla gente che disperata vi si aggrappa, diventa paradossale l'essere costretti a mettere in un cassetto la propria dignità, in un canto propri valori, dovere mendicare un aiuto a coloro che avrebbero il compito istituzionale di allontanare dalla "misera".

Questa commedia nel suo divenire farà ridere, farà sorridere ed anche pensare, regalando un finale nel quale il riscatto sociale è ancora possibile.

Scena unica

Personaggi

Daniele Fortuna	<i>Il laureato</i>
Ezio Fortuna	<i>Padre di Daniele</i>
Margherita	<i>Madre di Daniele</i>
Attilio Pignataro	<i>Politico</i>
Silvana	<i>Amica di Margherita</i>
Salvo	<i>Fratello di Daniele</i>
Segretario	<i>Segretario di Pignataro</i>

Note di caratterizzazione

Ezio: personaggio dal carattere indomito, impetuoso, dinamico.

Salvo: nel primo atto sarà un personaggio imperturbabile, indifferente a tutto, lento nei movimenti e nel parlare. Nel secondo atto avrà una personalità rapper.

Segretario: personaggio stralunato che vive in un modo proprio, parallelo alla realtà. Pare stordito e parla in maniera atona e come se stesse facendo proclami.

ATTO PRIMO

Salotto di una casa del ceto medio.

Scena I
(Salvo, Margherita, Ezio,)

Ad apertura sipario si vedono Margherita che rammenda e Salvo comodamente seduto che sta facendo le parole crociate.

SALVO: 9 verticale: il dolce più delinquente che c'è. *(Pensa)* mih, chista difficili è. Mamma tu a sai?

MARGH: quali è?

SALVO: ccà, dici: il dolce più delinquente che c'è.

MARGH: avai a mamma, ca è facilissimu! Su non anzetti chisti, meglio ca ci levi manu a fari i paroli incrociabili.

SALVO: e quali fussi 'stu dolci facilissimu?

MARGH: ca ovviu no? U dolci chiù delinquenti e' *(pausa per enfatizzare)* a caramella carubba!

SALVO: a caramella carruba? Ma ccà non ci trasi.

MARGH: e tu levici a carta, tali ca ci trasi.

SALVO: avai a ma chi dici? Chiamu all'orvu pi darimi aiutu... Senti, senti st'auttra: cosa indica un segnale stradale triangolare, rosso e con una mucca disegnata dentro?

MARGH: ca a 100 metri c'è una macellaria.

SALVO: va beni u capì va, oggi c'hai a liscia!

Ezio entra in casa e con veemenza tenta di chiudere fuori alcune mani (sono i vari vassalli dei candidati politici) che cercano di farsi strada per imbucare volantini elettorali. Ezio riesce a respingerli sbattendo la porta ma per farlo chiede aiuto al figlio.

EZIO: *(urlando innervosito)* via, allascativi cosi fitusi. Via iene malefiche. A nuddu! A nuddu ci u dugnu u votu! *(Si rivolge al figlio, mentre cerca di chiudere la porta)* prestu Turiddu veni ccà a darimi 'na manu.

SALVO: *(non dandogli conto)* 5 orizzontali: essere inerte agli stimoli ripetutti.

EZIO: cannaruzzuni!

SALVO: ma cannaruzzunu non ci trasi.

EZIO: bestia preistorica, u cannaruzzuni si tu. Ti voi scugnaru u culu di ddu divanu? Prestu veni a darimi 'na manu a siggillari 'sta porta ca stancai.

Salvo con estrema lentezza si alza dal divano ed ancora più lentamente si avvia verso il padre.

EZIO: (*ironico*) alleggiu m'arraccumannu. Alleggiu prima ca ti slochi un ditu do pedi.

SALVO: e chi primura c'è. Ti pari ca a porta si ni scappa? Non po scappari e chiantata o muri.

EZIO: ccà su c'è 'na cosa ca chinatavu definitivamente, chiuddu è u to ciriveddu. (*Rivolegendosi a chi sta fuori*) itavinni farabutti. Itavinni ca siti sulu un pugno di di lestofanti, avvoltoi, lattri approfittatori, truffaldini. (*Mima uno sputo verso la porta*) ppu cosi tinti ca non siti auttru. Itavinni d'arrieri a me porta pirchè viditi ca v'addifettu. (*Alla moglie*) Margherita spicciti o pighia un manicu di scupa, ca i bbessu ju a 'sti malanovi.

Da fuori la porta si sente: prestu amuninni ca chistu malu intenziunatu è! (*Vanno via*).

MARGH: ma chi fu Ezio? Chi sta succidennu?

EZIO: (*dopo avere chiuso la porta con diverse mandate*) oh finalmenmti muddanu! Sta succhidennu ca di quant'havi ca accumulavi 'sta maliditta campagna elettorali, non si sta capennu chiù nenti; non si po camminari chiù tranquillu p'e stradi. E cu ti ferma a destra, cu ti tira a sinistra, cu ti proi un volantinu, cu t'assicuta anfinu a intra a casa. I vidisti a dr'armali, su ne chiudevnu fora, fra cuntutu ca occupavunu a casa s'accampavunu ccà ndo salottu e u facevunu addivintari 'na segreteria politica.

MARGH: certu in effetti sunu un pocu, invasivi.

EZIO: auttru ca un pocu vasini, chiddi sunu tutti cessi? Sunu un pugno di sagnitti, di sanguisuga. S'allippanu e su non ci dici ca ci duni u votu, non ti moddunu chiù. E non è ca ci abbasta a parola. No! Volunu sapiri macari unni stai oppuri u nummiru da sizioni unni voti. (*Ironico*) pirchè i fighi non si fidunu, alli voti un libero cittadino ca po' vutari pi cui voli i 'mbroghia e vota pi qualcunu auttru!

MARGH: e va beni, chi ci voi fari? Alla fine chistu è u so travaghiu.

EZIO: ma quali travagli? E quannu hannu a travaghiatu mai chiddi? Chiddi magnacci sunu. Mangia pani a tradimentu! Sunu sfruttatori di polulami. E i chiù peggju, i chiù agguerriti sunu i suca pirita di ddu cosu tintu e perdi jornu di Attilio Pignataru.

MARGH: Ezio pi favuri lassamu stari 'stu discursu, ca sunu almenu 50 anni ca non vi putiti avvidiri.

EZIO: e chi voi di mia, a curpa è da so. Ddu animali di gerbia ha interrotto 'ndo nasciri 'na carriera ca puteva essiri strepitosa. Cara mia su non era pi ddu cosu tintu, il nostro paese avissa canusciutu un nuovo De Gasperi, un nuovo Pertini, un nuovo grandissimo statistico.

SALVO: ccà sugnu arrivai, chi ti sirveva?

EZIO: *(alla moglie)* u senti a chistu? Arrivavu. U chiamani pi darimi aiutu ca ancora ava a scuppiari a prima guerra punifica e arrivavu ca avunu eleggiuti a Berlusconi papa.

SALVO: ma Berlusconi non è papa.

EZIO: tranquillu ca pocu ci voli; è quistioni di misi. *(Cambio tono)* ca certu ca 'n chistianu pi tia putissi moriri, putissi arristari stinnicchiatu 'n terra, anzi pi parrari comu pari tu, putissi fari...l'uno orizzontali. *(Alla moglie)* u stai vidennu comu mi finivu? A cummattiri cu stu longu armatula di to figliu, e invece potevo essere un grande statistico su non era pi ddu Pignata senza cummoghiu.

MARGH: apparti u fattu ca u figliu u ficiumu in società, perciò è macari do to, appoi cu fussi stu statisticu, ca non porti nasciri pi curpa di Pignataru?

EZIO: ca ju! Cui annunca? *(Quasi commosso)* ah, e su pensu cu fu u complici di Pigna.

MARGH: *(infastidita)* e comu po essiri, ogni vota a stissa sunata. Ezio, avevumu 7 anni ed era l'elezioni do capu classu p'a secunna elementari. Va beni, vincivu Pignataru e tu non putisti fari u capuclassi, ma mi pari a mia ca ci dunu troppu pisu a 'sta storia.

EZIO: *(incalzando la moglie)* pirchè di ddu mumentu, ddu strafallariu non perdi occasioni di rinfacciarammillu. *(Tragicomico)* e appoi a cosa chiù gravi, a cosa chiù gravissima, è ca persi per un solo votu, unu sulu. 'Ndo mumentu chiù impurtanti da me vita, una pissona ca cridivu cara, *(pausa, poi)* m'abbandunavu.

MARGH: e però dopu quanche annu ti maritavu!

EZIO: si ma u votu a secunna elementari ci u dasti a Pignataru!

MARGH: *(esasperata)* all'inferno! Pi chistu me ne adrò all'infernu, mu confermavu patri Austinu. Non t'abbasta comu pena?

SALVO: *(che nel frattempo molto lentamente si è rimesso a sedere)* 12 orizzontale: animale subdolo e maligno che si trova spesso nei centri urbani

EZIO: *(immediatamente)* il politico. Ci 'u poi sciviri: l'armali malificu e subdulu ca 'nfesta i città peggio de suggi mattogni, è il politico. Esempare sfaticato ca non fa nenti da matina anfinu a sira e campa a sbafu allippatu ausi signa a dda povira cittadinanza ca sparti l'ha manteniri.

SALVO: ma politico non ci trasi.

EZIO: *(alla moglie)* ma to figliu c'è o ci fa?

MARGH: chi cosa?

EZIO: u bestia. (*Pausa*) ma a propositu di sfaticati, di besti , di signi allappati, di mangia pani a tradimentu, Salvo, mancu oggi ci ni fu scola?

SALVO: no oggi ci fu sciopiru.

EZIO: e cu oggi sunu 2 simani di scioperu, a scola ca accumincuiavu sunu 3 simani. A certu ca non ni mangiati mancu a brodu. E senti oggi pi chi cosa scioperasturu, pi protestari contro all'ugnu incarnatu ca ci vinni o presidi, oppuri pirchè non vi piacivu u culuri de capiddi ca si fici a prufissuressa di educazione fisica?

SALVO: nasa. Oggi si scioperava contro u ministru e contru la riforma universitaria.

EZIO: a riforma universitaria?

SALVO: sisa!

EZIO: ma quali siula e sisula, su si o terzu superiori.

SALVO: oggi! Ma metti ca dumani mi ni voghiu iri all'università.

EZIO: A unni a ghiri jennu cu 'sti pedi chini di caddi? Su t'arrinesci ca t'arrinesci di diplomariti, ci haiu a purtari 'n ciru a Sant'Aituzza, ca di circunfrenza a essiri almenu quantu u giru vita di to matri. 3 metri a vintidui.

MARGH: bestia si. Avanti ora lassulu perdiri u picciriddu.

EZIO: picciriddu? Però pi irasinni a 'nbuscarisi vaneddi vaneddi ca zita, non e' picciriddu.

MARGH: ma pirchè tu a so età non ci l'avevi a zita?

EZIO: ci l'avevu, sparti u sai chi era bedda...a ddi tempi.

MARGH: ma pirchè ci voi diri ca oggi non sugnu chiu' bedda.

EZIO: bedda bedda si, pari 'n liafanti ca tamponanu 'na carrozza di l'euro star.

MARGH: a certu ca pi delicatezza tu e u sceccu i stissi siti!

EZIO: e comunque a me zita di quannu avevi a so età, (*enfaticizzare*) non era a figlia del più acerrimo nemico di me pattri. Non era a figlia di Attilio Pignataro.

MARGH: e basta, finiscila ora, n'o curturiari chiù o picciriddu. No vidi ca lo ferisci nel suo sub conscio?

EZIO: Ma quali sutta coscia e sutta coscia, ju u firissi bonu ma a centru di testa cu 'n coppu di lignu, accussi 'na vota pi tutti o s'abbessa a si spascia.

SALVO: basta papa' mi stai noiannu.

EZIO: ma u senti comu parra? Nanasa. Sisa, noiannu. Si irrecuperabili. Persu cumpletu!

SALVO: va beni u capì, ju mi ni staiu jennu a dda banna a farimi 'na partita di sudoku, pirchè ccà ci sinu mali fruscoli. (*Esce*).

EZIO: (*ironico*) si o joca o joca, e non sudari assai o papa' u capisti? Alli voti ti vinissi a frivuzza. Ah, gioventù bruciata; di studiaru non ni voluni sapiri, u travaghiu mancu sannu ci voli diri, si siddianu macaria a parrai, sisa, nasa, fbi. Ouh ancucchiunu macari i paroli pi non spardari ciatu. Sudoku! Pirchè su diceva: sugnu a dda banna accussì jocu e sudu un pocui. No. Iddi parrunu cu un linguaggiu ca si capisciunu iddi suli. Nasa, sisa, sudoku.

MARGH: ma chi vai dicennu? Sudoku e u nomu ddo jocu.

EZIO: a si?

MARGH: sisa caru miu, sisa.

EZIO: (*parla come se stesse continuando un discorso mai interrotto*) e appoi lassannu perdiri u malu sangu ca mi fa ddu scemunitu...

MARGH: ma cui to figliu?

EZIO: no, ma ci c'entra ddu figliu persu? Di Pignataru staiu parrannu.

MARGH: mattri sempri dda l'hai a testa.

EZIO: chi ti pari giustu a tia ca inchiunu 'na città di carti e cartazzi? Talia chi attruvai intra a buca de lettiri. (*Butta sul tavolo le buste con i fac-simile elettorali, in mezzo c'è la lettera del CNR per il figlio*). A cassetina era china ca non ci capeva mancu 'na spirmula. Cridimi ne ittai pi strada sulu pi civiltà.

MARGH: ah, pi chistu hai raggiuni. (*Prende in mano i foglietti e li scorre*) talia ci sunu milli sigli: udc, pcc, abc, tft, ddt, talia ci n'e' macari una ca non haiu mai 'ntisu, (*pausa, poi scandendo bene le lettere*) CNR. Ma cu u sapi chi voli diri? (*Prende le carte, compresa la lettera, e le posa su di un mobile a vista*). È un piccatu spricari tutta 'sta carta. P'accomora a mettu ccà, chiù tardu a stricu e ni fazzu coriandoli pe picciriddi.

EZIO: cosi de pazzi; un chistianu è bellu tranquillu p'a so casa e chisti pi forza l'hannu a fari innervusiri. Senti Margherita, ju staiu niscennu pi tranquillizzarini tannichiedda ca mi ficiunu 'nfuddari. Su pi pranzu non sugnu a casa, vemini a circari a caserma de Carabinieri, pirchè di sicuru qualche dunu di 'sti scemuniti candidati mi fici perdiri i staffi e ci rumpii qualche seggia 'nda testa.

MARGH: (*ironica*) calmiti, non fari troppu sagnu ca u sai ca sugnu un tipu impressionabili.

Ezio esce di casa.

Scena II
(*Margherita, Daniele, Salvo*)

MARGH: (*parlando fra se*) ah Eziuccio miu, ma quali Carabinieri e seggi rumputi 'nda testa? Tu non fussi capaci di astruppiari mancu 'na musca ca ti curturia.

DANIELE: (*entra in casa molto demoralizzato*) ciao ma.

MARGH: oh, ecco qua u nostru fisicu nucleari. Com'è andato u colloquio di travagli, a mamma?

DANIELE: a comu puteva iri, ca comu o solitu.

MARGH: chi succidivu a 'sta vota?

DANIELE: raccomandati! Specie in via di espansione. Specie protetta.

MARGH: i soliti raccumannati ca muti muti fannu strada, veru?

DANIELE: ma quali muti muti mamma, oramai i raccumannati pighianu curaggiu e sunu belli vispi e spavaldi. 'Na vota stavunu muti non si facevanu arricanusciri, insomma s'ammiscavunu ca fudda, oggi problemi non i si ni creano chiù.

MARGH: chi succidivu a 'sta vota?

DANIELE: semplici, ora tu cuntù. Arrivo davanti al capo del personale, un fisico anche lui e chistu, 'stu dutturi, tenendo in mano il mio curriculum mi dice: ah dottore Fortuna leggo nel suo curriculum che lei pur essendo giovanissimo e' laureato in fisica nucleare con 110 e lode e pure un encomio della commissione. Bravo!
Conosce perfettamente l'inglese, ha un dottorato di ricerca, diverse pubblicazioni, ed e' stato anche assistente di un professore, il professore Calascibetta; non lo conosco. Bene mi pare proprio che lei sia la persona giusta per la posizione libera nella nostra azienda. Un giovane fisico brillante e di promettente avvenire.

MARGH: (*felice*) ma allora ti pighianu?

DANIELE: aspetta ancora non haju tirminatu. Insomma ju eru tuttu cuntentu e 'nda me testa mi dicevu: Daniele u voi vidiri ca finalmente finivu u calvari della disoccupazione, do precariatu, dei lavoretti a jurnata pi putiri tirari a campari.

MARGH: (*disillusa*) e invece?

DANIELE: e invece propriu mentri u dutturi mi stava pruiennu un contrattu di firmari, sunavu u telefonu: pronto, fa u dutturi. Oh (*scandire bene e lentamente le parole onorevole e carissimo*) onorevole carissimo, come sta? (*E' una conversazione telefonica, dunque*)

inforcita delle opportune pause) io non mi lamento...i fondi regionali? Si sono arrivati, sono arrivati grazie al suo interessamento...lo so, lo so che lei ci pensa sempre e che ci vuole bene...la vogliamo bene anche noi. A proposito si è divertito in quel villaggio turistico a Cuba dove abbiamo avuto il piacere e l'onore di averla nostro ospite? Ah si? mi fa tanto piacere. Come? Come dice? Ah, si sta attivando per fare mettere nel bilancio preventivo una cospicua somma per la ricerca scientifica da destinare alla nostra società; ma lei è un angelo, un mecenate...come il bilancio però verrà approvato dal governo eletto alle prossime imminenti elezioni e lei spera di potere avere la possibilità di essere rieletto per poterci aiutare ancora. Ma certo carissimo onorevole, ma che ci sono dubbi? Conti pure sul nostro sostegno, da tutti i punti di vista. Come le serve una cortesia? Ma io servo suo sono. C'è un suo parente, un fisico appena laureato che cerca lavoro e lui ha pensato a noi. E senta quanti anni ha il ragazzo? Ah, 37. E con quanto si è laureato? Ah, 66, ottimo voto. Conosce l'inglese? No. Altre esperienze lavorative? No. No, ma che dice, ma quali problemi. Perfetto, è perfetto. E' la persona che stavamo cercando. Faccia conto che l'abbia assunto. Va bene ci sentiamo, arrivederci, i miei rispetti alla signora.

MARGH: e allora comu finivu?

DANIELE: a fetu finivu! Appena chiusi u telefonu, mi livavu u cuntrattu de manu e mi dissi: caro dottorino, lei è una persona di valore e con grandi prospettive. Sono convinto che non faticherà a trovare un altro lavoro. Questo purtroppo è già stato assegnato.

MARGH: o parenti do puliticu?

DANIELE: per l'appunto.

MARGH: ma certu ca 'sti pulitici hannu 'n putiri!

DANIELE: io comincio a perdere le speranze di trovare un lavoro serio. Dopo tanti anni di università, tanti sacrifici, il massimo dei voti, master di ccà e corsi di ddà, ad un anno dalla laurea ancora non si vidi nenti di seriu.

MARGH: non disperari a mamma. Vidi ca prima o poi a to strada a trovi.

DANIELE: ca certu ca su fussi prima, fussi megghiu. Mamma senti e' arrivata posta pi mia? U sai ca aspettu a risposta do concursu ca fici al Consiglio Nazionale delle Ricerche. Chiddu fussi un postu di oru. Prestigioso, statali, con una possibilità di carriera assicurata. Su vincissi 'stu concursu, finalmente putissi accuminciari a pinsari a maritarimi cu Federica.

MARGH: no a mamma, purtroppo nenti ha arrivatu.

DANIELE: ma si propriu sicura? Mi pari stranu. Di solitu pi 'sti concorsi 'na lettera arriva sempri vincisti o non vincisti.

MARGH: tranquillu a mamma ca nenti ha arrivatu. Chi fa non tu dicevu? Sugnu cu l'occhi aperti tanti. E poi pi non sbaghiari 'stu nomu mu scrivì 'nda pezzu di carta e mu tegnu sempri cu mia accussì non mu scordu. Talia ccà (*esce dalla tasca un pezzo di carta con una scritta*) Consiglio Nazionale delle Ricerche. Giustu e'?

DANIELE: si giustu. Comunque pi favuri stacci attenta ca avissa arrivari 'nda 'sti jorna e speriamu ca porta boni nutizi prichì ju non ci 'a staiu facennu chiù, sugnu arrivatu al limite di sopportazione.

MARGH: teni duru a mamma, teni duru.

SALVO: ciao fratellone. Mamma non attrovu i me jeans chiari.

MARGH: e ci fussi 'na vota ca attrovi qualcosa. Aspetta ca ti vaiu a pighiari ju.

DANIELE: senti mamma ju staiu niscennu; mangiu 'ndi Federica e poi direttamenti da so casa mi ni vaiu a travaghiari o ristoranti. Hai vistu fratellino, anni di studi pi purtari pizzi 'nde tavuli. Ma su cuntinua accusi...

MARGH: tranquillu cori miu, tutto s'abbessa. Ju a casa sugnu, aspettu ca passa Silvana. Mentri va a fera o luni, mi fazzu purtari 'na para di cosi (*esce*).

SALVO: è pazzesco, c'è sta definizioni di tri paroli ca non rinesciu a truvari. Havi 'na matinata ca ci cummattu ma menti, non mi veni

DANIELE: e chi dici d'accusi difficili?

SALVO: allora dice: lo dicono nei films i personaggi che vogliono farla finita.

DANIELE: avaiia ma è di una facilità inaudita.

SALVO: e che sarebbe?

Margherita entra con in mano i jeans gusto in tempo per sentire Daniele che mentre esce dice al fratello..

DANIELE: la faccio finita! (*Esce*).

MARGH: (*sconvolta*) chi dissi? Chi dissi to frati?

SALVO: la faccio finita. Ah, i trovasti i jeans (*glieli toglie dalle mani*) grazie. Staiu niscennu (*esce*).

MARGH: a madonna t'accompagna.

Scena III
(Margherita, Silvana)

MARGH: (*si siede preoccupata sul divano e riflette a voce alta*) ma chi voli diri: la faccio finita. U voi vidiri ca Danieluccio su non attrova prestu un travagli fa qualchi fissaria. Ma talia, talia 'na matri cosa deve sumputtari pi curpa di quattu araccumannati 'nurantuni e ca facci di...ca facci fi fissa. È incredibili, vannu avanti sulu i categorii de raccumannati e dei

lecchini; e invece i carusi ca s'hana a livatu a vita pi studiari e si laureanu co massimu de voti non trovanu travaghiu.

Suonano alla porta.

MARGH: ah, Silavana tu si?

SILVANA: e cu ti pareva ca eru Margherita, qualche beddu spasimanti?

MARGH: si scherza, scherza. Biata tu ca ci hai u jarmu di scherzari.

SILVANA: bih chi fu ti muzzicanu i lapuni? Oppuri ti mossi u jattu ca non hai? (*Porgendo un mazzo di volantini elettorali*) te ccà talia chi ti purtai.

MARGH: pi cortesia jetta 'sti volantini ca semu chini ansina all'ugna de pedi.

SILVANA: ma chisti sunu spiciali! Sunu dill'amicu do cori di to marito. Mi desi iddu di persona pissonalmente propriu a ccà sutta, avanti a to porta. E mi dissi: signora Silvana vistu ca sta acchianannu a casa Fortuna, chi fa ci porta chisti al mio amico del cuore Eziuccio. E oppoi accumincuavu a ridiri, ma non risati, risatunu belli chini. T'ha figurari ca tantu era presu di 'sti risati a crepa pelli ca a 'n certu puntu anniricavu, addivintavu tuttu russia paunazzu, appoi blu. Tantu ca mia scantai ca mureva.

MARGH: e chisti pottunu essiri i istimi ca ogni sira ci manna me maritu. Iddu, Ezio, ogni sira prima si irisinni a curcari havi un pinseri, cu 'na manu si fa u rusariu a cu l'auttra ci manna svinturi a Pignataru.

SILVANA: e mi sapi a mia ca a 'stu corpu stavunu facennu effettu.

MARGH: a virità è ca ddi dui sunu du picciriddi. Mi parunu don Camillo e Peppone moderni. Me maritu segretariu del sindacato dei lavoratori e Pignataro presidente del consiglio di quartiere e politico amico dei padroni, comu dici Ezio. Fattu sta ca s'acchiappanu comu e cani e i jatti, ma alla fine quannu hannu bisognu l'unu di l'auttru, currunu.

SILVANA: mi pari ca a picca n'hannu ancora d'acchiapparisi.

MARGH: e pirchi?

SILVANA: a n'ò sai?

MARGH: no, chi cosa?

SILVANA: pari ca gli amici di Pignataro, i padroni comu i chiama to maritu, hanno deciso di farici fari u sautu di qualità. U stannu facennu candidari comu onorevoli o parlamentu regionali.

MARGH: nenti di menu! Talia a iddu, a forma di babbu arrinisciutu. Ca voli diri ca ai padroni ci servi a Palermu.

SILVANA: ma tu immagini a ddu cosu gnurantuni comu onorevoli regionali. Dui paroli consecutivi in italiano ne sapi diri e intanto vidi chi putiri ca va a pigghiari.

MARGH: a certu ca semu 'nde manu di nuddu. (*Pensandoci*) ma, pirchè pigghia putiri?

SILVANA: ca comu pirchè! pirchè i deputati regionali, gli onorevoli, sunu ammanicati troppu boni in tutti campi. Iddi sunu misi ddà di l'amici, capisci a me, pascianu comu tanti signorotti e u so unicu sensu è fari i burattini pi cui tira i fila. Approvunu 'n progetto pi un'autostrada ccà , firmanu 'na liggi po condonu ediliziu ddà, spartunu soddi pubblici a tinchi tè e in cambio zoccu addumannunu all'amici, ricevunu.

MARGH: appiddaveru?

SILVANA: a no? E chi ti pareva ca u facevunu p'a patria. Amica mia ma ancora cridi e favuli?

MARGH: ma non mu cridevu ca erunu accusi putintuni. E perciò ponnu fari chiddu ca voluni?

SILVANA: tutto.

MARGH: volunu un appartamento o corsu Italia...

SILVANA: ci u procurunu.

MARGH: 'na machina nova...

SILVANA: hannu sulu l'imbarazzu della scelta.

MARGH: (*dopo avere riflettuto*) e...senti, travaghiu, a travaghiu comu sunu cumminati?

SILVANA: a no, travaghiu nenti! Di tuttu poi parrai ma di travaghiu nenti. Non mi mangianu mancu a brodu!

MARGH: no ma chi capisti? Vuleva diri, ci l'hannu u putiri di abbissari a qualche persona, chi sacciu...dicemu...un giovane, magari laureatu...intelligenti, assinnatu.

SILVANA: ma dicu, stai scherzannu? Non hannu limiti ti dicu. Su volunu abbissari a qualche dunu, basta 'na telefonata e a deci minuti il ragazzo è abbissatu.

MARGH: 'na telefonata veru? Chistu u sacciu purtutto! Ca certu però 'sti onorevoli saranno potentissimi, ma non è ca ponnu accuntintari a tutti tutti.

SILVANA: chistu e' veru a tutti no, ma a cui dicunu iddi si!

MARGH: e appoi a 'sti onorevoli cu u sapi quanti richiesti ci arrivano, cu u sapi quanta genti canuscunu e quanti prumissi fannu.

SILVANA: a centinaia, ma chi dicu a migliaia, a decine di migliaia, ma chi dicu a milioni di migliaia.

MARGH: e non e' ca ponnu rispettare tutti i milioni di prumissi, gli onorevoli.

SILVANA: no certu.

MARGH: però, si unu 'na cosa s'a fa prumetti quannu ancora onorevoli non sunu... dicemu quannu sunu ancora...presidenti do cunsighiu di quartieri...forsi a putissunu manteneri!

SILVANA: aspetta, aspetta. Ora i staiu capennu tuttu i dumanni: e quantu putiri hannu, e l'appartamentu o corsu Italia, e putissunu abbissari un laureato. E non mu diri, u laureatu cu fussi to figliu veru? E u futuru onorevole ca l'avissa abbissari invece, Pignataru.

MARGH: Silvana, Daniele havi un anno ca cerca travaghiu e non attrova e non pirchè non havi i capacità o i titoli, ma pirchè i raccumannati u passunu sempri. Affinu a 'sta matina 'na telefonata di un politico e u cuntrattu ca ci aveva bellu e prontu 'nde manu pi firmarlu, ci u stricanu d'avanti all'occhi. Antura niscivu dicennu: la faccio finita. A voli fari finita, u capisti? Su non attrova prestu un travagliu, mi scantu ca fa qualchi fissaria. Pessi pi persi ni jucamu macari 'sta carta, chi dici tu?

SILVANA: ca certu ca su i cosi stannu d'accussì, tutti i torti non ci l'hai. Ah, chi non spirimintassi 'na matri pi aiutari un figliu! Ma comu ci u voli addumannari ad Attilio Pignataru 'stu favuri? Non è ca poi scinniri a ccà sutta 'nda so segreteria politica e ci parri tranquillamenti, su ti vidi to maritu ca parri cu iddu, prima ci veni 'n colpu siccu a quannu s'arricupighia ti jetta fora da casa con l'accusa di tradimento intellettistico.

MARGH: mi cara amica, se Margherita non può andare da Pignataro, sarà Pignataro a veniri a casa di Margherita.

SILVANA: Tu si pazza! E su rientra to maritu, finisci a schifiu, prima u abbia fora a cauci 'ndo panaru e appoi si vinni a casa pirchè si schifia a cuntinuari a staricci pirchè dici ca senti fetu di puliticu.

MARGH: Ezio non ne saprà nenti, allura tu pirchè ci si?

SILVANA: ju? Ju a fera mi ni staiu jennu.

MARGH: cambio di programma.

SILVANA: senti non m'ammiscari 'nda sti cosi ah.

MARGH: oramai ci si 'ndo menzu.

SILVANA: a si, e non ni sapevu menti?

MARGH: talia chi fai. Scinni ccà sutta 'nda segreteria di Pignataro e ci dici che ci devo parlare con una certa unbertazione. E u fai acchianari.

SILVANA: e su quannu turnamu c'è Ezio intra?

MARGH: tu appena arrivi bussi in codice.

SILVANA: in codice? E quali fussi 'stu codici?

MARGH: abbatti tri voti a porta, accusi (*mima*) ticchiti, tacchiti e tocchiti.

SILVANA: tocchiti, ticchiti e tacchiti.

MARGH: bravissima. Accusi col bussaggio in codice, ju sacciu ca si tu cu Attilio e su tutto è a postu vegniu a grapiri. Altrimenti ti fazzu capiri di passari fra deci minuti. St'operazione segreta a chiamanu: operazione "t'abbessu ju".

SILVANA: a voghiu avvidiri comu finisci st'operazione segreta. Mi pari a mi a ca l'operazioni ci l'hannu a fari a Pignataru p'ancucchiarlu di novu su Ezio u trova cà.

MARGH: tranquilla, non ti preoccupari, andrà tuttu a posto.

SILVANA: e su capitunu imprevisiti?

MARGH: i risolvu ju. I canusciu i me polli.

SILVANA: allura chi fazzu, scinnu?

MARGH: scinni e chiamalu. A vuauttri aspettu.

SILVANA: auh a prossima vota ca ti servi qualcosa a fera, ci poi iri tu. Ju u favuru di passari di cà non tu fazzu chiù. Talia in quali situazionu trubbula m'infilai. (*Esce*).

Scena IV
(*Margherita, Ezio, Daniele*)

MARGH: avanti, videmu su è a vota bona ca a me figliu m'u abbessanu. D'altro canto cu Attiliu ni canuscemu ca ancora ni sucavumu u movvu do nasu, perciò 'sta cortesia su ma po fari, ma fa. Certu speriamo sulu ca me maritu non s'arricoghi prestu oggi.

Entrano Ezio e Daniele continuando una conversazione che avevano intrapreso fuori. Ezio tiene in mano alti volantini elettorali.

EZIO: ...e ti l'haiu ditti sempri: Daniele 'ndo munnu genti tinta ci n'è assai, ma i politici, ah come e politici non ci n'è. Sunu i peggju!

MARGH: ecco appuntu. Ouh sta jornati sani 'nficcatu a segreteria do sindacatu pi spurugghuari carti e cartuzzi, e oggi ca mi sirveva fora casa, non mi 'sta spuntannu fora orariu?

DANIELE: e chi ci putemu fari papà. Vaiu a pigghiari u libru ca mi scurdai e mi ni vaiu. (*Esce per andare in un'altra stanza*).

EZIO: chi ci putemu fari? 'Na bella rivoluzione pi mannalli tutti a casa, oppuri accattamui quantu 300 quintali di carbonnola e i mittenu al rogo, a focu lentu. Ouh Margherita, Daniele mi cuntavu u colloquio di 'sta matina e comu finivu a fetu.

MARGH: e va beni cosi ca ammattunu.

EZIO: e chista è a cunsulazioni de fissa.

MARGH: e menu mali ca spertu almenu ci si tu.

EZIO: 'sti cosi ammattunu sulu ccà 'ndi nuavuttri, pirchè in continenti a st'ura i cursi ci avissunu fattu fari, o diritturi e o politicu. Ma appropositu di incontinenti, o bagnu haiu a iri.

MARGH: e chi turnasti a casa do sindacatu pi iri o bagnu?

EZIO: no, turnai pi pighiari certi documenti, ma mentri ca ci sugnu m'a fazzu 'na bella seduta di gabinettu.

MARGH: e vo c...vo fatti 'sta seduta, annachiti.

EZIO: ouh e chi è 'stu tonu? Chi si siddiata pi chiddu ca ci succidivu a Daniele?

MARGH: 'n pocu in effetti...

EZIO: non ti fari u sangu acqua. Quant'avi 90 anni ca ni canuscemu?

MARGH: jornu chiù jornu menu.

EZIO: e non ti l'ahiu dittu sempri: i pulitici non sunu chistiani, sunu truffaturu da peggiori speci, sunu arrobba jurnata, sunu falsi, ingannatori, traditori, mangia pani a tradimentu...u cani ca non canosciunu o patruni, su...

MARGH: basta, basta non accuminciari c'a solita tiritera. U capì ne poi avvidiri! Avanti, non hava a iri a fari 'sta riunioni di gabinettu? Forza annachiti prima ca 'ntuppi.

EZIO: ouh a certu ca pi eleganza e finezza ha statu sempri unica. A tia Sofia Loren un baffu ti fa. Io vado.

MARGH: e vai vai. (*Vedendo il malloppo di fogli che tiene in mano*) chi sunu tutti ddi foghi?

EZIO: e chi ponu essiri? Ca i soliti volantini elettorali. Chisti sparti sunu del tu caro amico dill'elementari, Attilio Pignataro.

MARGH: e unni ti stai purtannu o bagnu?

EZIO: ca certu, non è 'n piccatu sprecarli?

MARGH: e chi n'ha fari? Dammilli a mia ca ni fazzu corriandoli pe picciriddi.

EZIO: chi n'ahiu a fari? Cu 'sti foghi ca fotografia di Attilio Pignataru dopo la seduta di gabinettu, ju mi ci...

MARGH: (*interrompendolo*) u capì, basta non mi diri nenti. U capì.

EZIO: brava. Pi 'sta vota corriandoli ni fai chiù pocu (*esce di scena*).

DANIELE: (*entrando di corsa*) va bene mamma ju mi ni staiu jennu. Ciao (*esce*).

MARGH: ciao gioia u Signuri t'accumpaga. Ah figliu miu, speriamo ca si pò realizzari zoccu addisidera u to cori. E speriamo ca Pignataru qualche cosa a po' fari appiddaveru.

EZIO: o sindacatu sugnu.

MARGH: e chi è finivu tutta l'incontinenza?

EZIO: mi telefonanu do sindacatu, haiu a scappari d'urgenza. I padroni alllicenzianu a un operaiu senza mutivu. Sulu pirchè ci dissi che avrebbe votato un candidato ca era diversu di chiddu ca è amicu do principali. Sarà battaglia!

MARGH: e durerà assai sta battaglia, insomma mangi a casa?

EZIO: no sacciu Margherita, no sacciu. Ccà si sta parranu di 'n patri di famighia ca persi u travaghiu. E' una lotta fra stati sociali. Di 'na parti il popolo lavoratore dei compagni e di l'otra i politicanti e i so burattinai, i padroni.

Scena V
(Margherita, Ezio, Segretario, Silvana)

Si sente bussare la porta e nel contempo dire a voce alta.

SILVANA: ticchiti, tacchiti e tocchiti.

EZIO: chi fu stu rumuri?

MARGH: (*in difficoltà*) ru...rumuri? Quali rumuri, u nenti 'ntisi.

SILVANA: ticchiti, tacchiti e tocchiti.

EZIO: di novu! U sintisti a 'stu corpu?

MARGH: veramenti no. Ma chi vai dicennu, chi ti stannu accumulantiannu a veniri l'alteri?

EZIO: senti amore mio, ju arteri non ci n'hau e su ti dicu ca 'ntisi un rumore, 'ntisi un rumore.

SILVANA: ticchiti, tacchiti e tocchiti.

MARGH: *(sbottando verso la porta)* u capemu bonu d'accussì. *(Al marito)* u 'ntisi macari ju. Sarannu chiddi ca stannu a ccà supra.

SILVANA: ticchiti, tacchiti e tocchiti.

MARGH: i manu, t'hannu a siccarì i manitti.

EZIO: a porta, stannu tuppuliannu a porta *(va ad aprire)*.

MARGH: *(urlando)* fermo!

EZIO: auh e non vannari. Stanu ittannu a porta 'n terra.

MARGH: ci vaiu ju.

EZIO: si, ca casu mai su grapu ju mi sfilu *(apre la porta)*. Silvana eri tu ca tuppuliavi e vannavi: ticchiti, tacchiti e tocchiti?

Silvana ed il segretario entrano in casa.

SILVANA: e si...è un...un ..un nuovo esercizio...ca mi assignavu u me istruttori di yoga. Si u me istruttori di yoga.

EZIO: e chi senso havi?

SILVANA: e chi...chi senso havi? Havi...havi u sensu...havi u sensu di agevolare lo sbacantamento delle emozioni represses e agevolare lo scarico delle pulsioni negative dello stress che accumuliamo durante i feticci giorni di saliente agonia sedimentata nell'interiorizzazione dell'io represso! Ecco a chi servi.

EZIO: addirittura! Ju non ci capì nenti.

SILVANA: e mancu ju.

EZIO: ma su ti aiuta a sbacantari pressì fitusi dill'interiora do to rappreso, megghiu pi tia. E il signore cu è u maestru ca ioca?

SEGRET: io, ragioniere Carpino, sono segretario e rappresentante di Pigna..

MARGH: *(interrompendolo)* di pignati. Rappresentanti di pignati.

EZIO: e d'altronde unu ca si chiama cuppinu, sulu u rappresentanti di pignati puteva fari. Ma ci voli chistu?

MARGH: u purtavu Silvana pi fari a dimostrazioni di 'na batteria. Ma prego accomodativi, entrate Silvana, rappresentante.

Silvana entra mentre il segretario sembra come assente, bloccato.

EZIO: ouh e chi arristavu bloccato? Mi pari ca a batteria nova ci servi a iddu pirchè si scaricavu tuttu a 'ntutt'una. Allivoti ci vinni 'na botta? (*Lo chiama*) Ragiuneri, signò cuppinu, cucchiaru di lignu, furchittuni, comu a sannu sentiri! Chi fici s'abbloccavu?

SEGRET: (*come svegliatosi di colpo*) a si si. Dunque mia cara signora Margherita, qua parliamo di una cosa sola: voti.

EZIO: voti?

MARGH: voti...

SILVANA: voti certu voti. U rajiuneri prima di addinvtari rappresentativu stava pigghiannu i voti!

MARGH: ca certu, stava pigghiannu i voti. Anzi i pigghiavu!

EZIO: ma allura è 'n cuppinu rappresentativu parrinu!

SILVANA: no. Non esattamente, nel senso che hava pighiatu i voti, ma appoi...appoi a 'ncertu puntu...

MARGH: u boccianu.

SILVANA: u boccianu si.

MARGH: u boccianu all'esami finali.

EZIO: all'esami finali? Pirchè chi c'è l'esami finali pi addivintari parrinu?

SILVANA: esami? Un esamuni! Tre miraculi, pi addivintari parrinu ha fari tri miraculi allura nenti, si ni ponnu turnari di unnu vinnunu.

EZIO: e iddu ne fici sti tri miraculi?

MARGH: u terzu. Ci fallivu u terzu.

EZIO: piccatu.

Il segretario ancora una volta sembra estraniato da ciò che sta accadendo.

EZIO: certu mischinu ca ci porti arristari mali appiddavaru; mi pari a mia ca ancora non s'ha arricupighiatu tantu bonu. (*A ragioniere*) Ragiuneri, prelato, cuppinu, scula pasta. Nenti, assenti. Ma sintiti chistu fa u rappresentanti di pignati, senza pignati?

SILVANA: 'nda machina. L'havi 'nda machina.

MARGH: ca certu ovviu. Chi fa scinni pi ogni casa unni va tutta a batteria di 47 pezzi? Iddu trasi, s'informa una chi ci aggiuva, e appoi scinni 'nda machina e porta.

EZIO: certu logicu.

MARGH: ma senti, amore mio, ma non stavunu allincenzianuu a 'n pattri di famighia? Non hava a iri a fari 'na battaglia? Populu, patruni, burattini, settebello, a cavaddu di coppi?

EZIO: veru, megghiu ca mi ni vaiu ca tardu si fici. (*Uscendo*) M'arraccumannu Margherita non spenniri soddi. S'abbenerica eccellenza. (*Non avendo risposta*) va beni appena s'arrusbigghia mu salutati vuauttri. (*Esce*).

SILVANA: mattri sugnu motta, sugnu motta. Margherita niscemu di sutta un camion. Ma non mi dicisci ca to marito non c'era? Ca ci pinsavi a tutti i cosi tu? U bussaggiu in codice...

MARGH: u bussaggiu, appuntu. Ti dissi di bussari no di accumpagnati a bussata ca cantata: ticchiti, tacchiti e tocchiti. Chi ci cantavi?

SILVANA: ouh tu mu dicisti.

MARGH: comunque lassamu perdiri. Chiuttostu, cu è stu citruluni? E unni è Pignataro?

SEGRET: io sono ragioniere Carpino e sono segretario e momentaneamente in questo momento sono il rappresentante del candidato Pignataro.

MARGH: Silvana chi ci dasti a corda?

SILVANA: senti Margherita, Pignataru si scantavu a veniri direttamenti, e vistu chiddu ca stava succudennu fici beni. Ju ci cuntai pi filu e pi segnu tutta a storia e iddu mannavu in avanscoperta 'stu pilieri di segretario.

SEGRET: io sono ragioniere Carpino e sono segretario e momen....

MARGH: raggiuneri u capemu lei cu è. E chi ci ampingivu u discu? Chi mi manna a diri Pignataru.

SEGRET: il candidato alle elezioni regionali come deputato al parlamento regionale della regione Sicilia...

SILVANA: stamu parrennu a miss Italia, e iddu mi pari a brutta copia di Pippo Baudo. Stai accura ca fracuntu ca dici u vincitori.

MARGH: avaia Silvana, iddu ca tantu assai non c'è, tu ca ci fai a farsa, mi pari a mia ca oggi non quaghiamu chiù. Continui Cuppinu, continui.

SEGRET: (*assume una posizione da proclama*) il candidato Pignataro, venuto a conoscenza del problema che affligge la signora Margherita Fortuna, elettrice presso la scuola media Lepanto sezione 3, primo piano, stanza 23 seggio 4b, si rammaricava della situazione disperata. Altresì ripresosi dal passeggero scoramento, con fantesco spirito e onniveggenza onirica, richiamava a raccolta le sue intellettive capacità e relazionava il sottoscritto parlante che parla, assegnandogli il gravoso e risolutivo compito di dare notizia alla summenzionata elettrice della realizzazione in essere della possibilità di risolvere il problema per mezzo delle potere conferitogli dal suo

auspicato seggio onorevolistico parlamentario regionalistico. Pertanto alla elettrice Margherita, promette l'equo scambio travaglio\ voto. Se quanto detto verrà accettato dalla elettrice medesima, il compito assegnatomi sarà terminato ed un incontro con il candidato Pignataro sancirà l'accordo testé promulgato.

SILVANA: *(con enfasi)* cittadini, evviva il re.

MARGH: insomma, tutta 'sta gran tiritera pi dirimi ca Pignataru pi sitemari a me figliu voli u me votu?

SILVANA: non sulu u to, voli macari chiddu de to fighi e...e di to maritu. E in più mi dissi ca ci sunu altre condizioni ca ti vili diri di presenza.

MARGH: sparti! E quannu?

SILVANA: macari ora subbitu. È a ccà sutta, un fischiu e acchiana.

MARGH: un frischio?

SILVANA: un frischio.

MARGH: ca allura friscamu Silvana, friscamu.

SILVANA: segretario, segretario *(si avvicina e lo scuote)* ragiuneri cuppino, sveglia.

SEGRET: *(come di soprassalto)* son desto.

SILVANA: a mia non mi pari. Comunque issi a chiamari u candidatu, prestu.

SEGRET: mi precipito ad adempiere al mio dovere. *(Esce)*.

SILVANA: stassi accura a non precipitari de scali. *(A Margherita)* chistu attruppica sicuru.

Da fuori si sente il rumore del segretario che inciampa e rovina per le scale.

SILVANA: u vidisti? Chi ti ava dittu ju?

MARGH: ma unni u trovavu a chistu 'ndo posta market? È 'ntrunatu completu.

SILVANA: a chi sacciu, mi dissi sulu: me la ho assegnato il partito.

MARGH: ccà l'unicu partitu e iddu, u segretariu, ma partito di testa. Senti, ma Pign tu dissi st'auttri condizioni ca c'havi quali sunu?

SILVANA: per niente. Mi dissi ca ti voli diri personalmente a tia.

SEGRET: *(da fuori la porta)* ticchiti, tacchiti e tocchiti. ticchiti, tacchiti e tocchiti.

MARGH: ma cu e'?

SILVANA: ca cu putissi essiri? Ca ddu scemunitu do segretariu.

MARGH: ma allura è bestia appiddaveru?

SILVANA: ma pirchè ancora avevi dubbi?

Margherita va ad aprire la porta.

Scena VI

(Margherita, Segretario, Silvana , Pignataro)

Il segretario entra da solo con una valigetta in mano. Con fare circospetto ma lentissimo, controlla comicamente la stanza, sotto il divano, sotto le lampade, dietro i soprammobili, etc...(sia accerta che non ci sia Ezio). Terminato il controllo si porta al centro della stanza e tira fuori dalla valigia una trombettina da carnevale.

SEGRET: vota Attilio Pignataro, perché con Pignataro è tutta un'altra musica.

Il segretario comincia a suonare una melodia stonata da annuncio, poi si mette sugli attenti e parla.

SEGRET: signora e signora, dal cor straripa la gioia, lo spirito e' pronto ed ardente e l'emozion m'ammanta; l'amino con fiero orgoglio annuncia: *(in crescendo)* il solo, l'unico, l'inimitabile, l'ineguagliabile, l'inprensucidabile, l'insuperabile...

Da fuori si sente Pignataro urlare.

ATTILIO: dacci 'na ammughiata.

SEGRET: insomma, il candidato onorevole al parlamento regionale, Attilio Pignataro.

Entra Pignataro con incedere fiero e tronfio; petto gonfio e pancia in dentro. Saluta con le mani un pubblico inesistente di ipotetici estimatori. Indossa una fascia tipo quelle da sindaco, ma fatta del materiale con cui si fanno gli striscioni delle ghirlande e dunque nera, con scritto sopra in oro: presidente del consiglio di quartiere. Il segretario accompagna questa entrata trionfale suonando la tromba ed eventualmente piccolo tamburo o dei piatti improvvisando una banda rionale.

ATTILIO: *(dopo la breve esibizione del segretario)* cittadina Margherita...

SEGRET: *(sonori applausi)* bravo, bis...bis...

SEGRET: e chi e' si sbloccavu tuttu 'nda 'na vota u raggiuneri?

ATTILIO: cittadina Margherita, la presente quandunque per informarti del quale il qui ascritto condidato onorevole Pignataro, e' onoratamente e nello medesimo tempo stupidamente, che tu lo abbi faciuto entrare in casa tua stessa. Ciò non di meno chè equalemente nonostante la sorpesa e lo scantazzo di ancuntrare to marito che se mi attrova in codesto

salottino mi acciunca tutti e dui le jammi, che io fossi venuto lo stessamente affino a casa tua, qualoramente della tua richiesta mi faccio partecipatamente e per abbissare le cose videmu chi pozzu fari.

SEGRET: *(applausi scroscianti)* bravo, bravo. *Se possibile si enfatizzi il contrasto tra il gesto dell'applauso iperdinamico e la solita parlata atona e lenta.*

MARGH: Attilio, intanto ti ringrazio di avere accettatu l'invito. Nuavuttri havi 'na vita ca ni canuscemu e ju quannu t'haiu pututu favoriri t'haiu favoritu. Tu ricoddi ca grazie o me votu alla secunna elementari fusti eletto capu classi, e da allora accumulau la tua carriera politica?

ATTILIO: mi ricordu, equalemente.

MARGH: poi dopu esseri stato capu classi addivintasti addirittura rappresentanti di istitutu a scola media, e alla fine la tua meravigliosa carriera ti purtavu a divintari addirittura presidente del consiglio di quartieri. E oggi, oggi si candidatu alle elezioni regionali. Ah, pari ieri ca jucavumi stradi stradi ju tu e Ezio, e oggi, oggi talia quanta stada facisti.

ATTILIO: appropriativamente.

MARGH: Silvana ti cuntavu u fattu e tu mi stai dicennu ca forse qualcosa a poi fari, ma che hai delle condizioni. Quali sunu? P'o beni di me figliu, ma facissi a pedi affinu a luna senza firmarimi mancu pi viviri un muccuni di acqua.

ATTILIO: cittadina elettrice Margherita, inverosimilmente e qualunquemente, parlando onorevolmente...

MARGH: senti Attilio cu mia finiscila di fari l'onorevoli e parra chiaramente.

ATTILIO: appuntamente, ca fossi e' megliamente. Dunque cara Mergherituzza mia, cu tia voghiu essiri sinceru. U sai ca nuavuttri pulitici prumittemi, prumuttenu e appoi 'na vota ca acchianamu a tutti ci damu fungi! Ma credimi a tia su acchianu u favori d'abbissariti u figliu tu fazzu cu tuttu u cori. Pero'...

SILVANA: pero' ci sunu delle condizioni.

MARGH: e dilli Attilio, dilli.

ATTILIO: prima condizione: riconoscimento ufficiale di to maritu do zitaggiu fra i nostri fighi e m'ha chiamari compari!.

MARGH: e pi chistu poblemi non ci n'avissuru a essiri. A Ezio nonostante si mummuria, to figlia ci piaci comu carusa, mi dici sempri: Matilde e' 'na brava picciotta non capisciu conu ci niscivu 'na figlia accusà assinnata a ddu bestia di Pignataro? Secunnu mia a scancianu o spidali!

ATTILIO: accusà dici?

MARGH: testuali paroli.

ATTILIO: secunna condizioni: Ezio m'addumannari scusa pi comu s'ha cumpurtatu e m'accucciari comu a 'n frati.

MARGH: docu mi pari un pocu chiù difficili, ma videmu chi possu fari.

ATTILIO: terza condizione: in quanto futuro onorevole, Ezio mi deve baciri la mano.

MARGH: chistu mi pari impossibili, ci vulissi un miracolo. Ma ora n'attrizzamu macari pi chistu.

ATTILIO: ultima condizioni, ca chiossai e' una supplica: pi acchianari ed essiri sicuri di putiri autari a Danieli, haiu a battiri il mio avverario della circoncisioni.

SILVANA: di chi?

ATTILIO: vuleva diri di circoscrizioni. Devo abbattere Fulippo Ippolito detto i beddu. Chiddu e' appuggiatu bonu e pi falla brevi, a mia pi macchinari mi servunu i voti do sindacatu.

MARGH: Silvana, quanti sunu i miraculi pi addivinatori santu?

SILVANA: tri.

MARGH: allora su a mia m'arrinesciunu sti quattro ca m'addumannvu Attilio chi mi fannu direttamenti Angelu?

ATTILIO: impegnati cara mia, impegnati.

MARGH: ma hannu a essiri pi forza tuttu e quattro?

ATTILIO: non n'ha mancaru mancu unu. Io ho parlato. Segretario, andiamo.

Il segretario riprende a suonare la musica da banda, mentre escono. Pignataro esce salutando ancora l'ipotetica folla.

SILVANA: avanti Margherita tranquillizzati ca u grossu è fattu.

MARGH: no Silvana, u grossu ancora ha veniri. Ora haiu a truvare u modu pi diraccillu a me maritu, senza farmi stirari u coddu!

FINE PRIMO ATTO

ATTO SECONDO

Stesso salotto, qualche giorno dopo.

Scena I (*Margherita, Ezio*)

Margherita ha raccontato ad Ezio il suo piano per sistemare il figlio e cosa chiede in cambio Pignataro. Entrano in scena continuando una conversazione precedentemente intrapresa.

EZIO: (*alterato*) cchi? Ma tu niscisti fora di sentimenti! Ju, ca fazzu trasiri un politicu, spatti in campagna elettorali, a me casa.

MARGH: ma è p'ò beni di nostru figliu Daniele

EZIO: Margherita, tu 85 anni non l'ha fari chiù e ancora cridi a tutti si fissarì ca prumettunu. Fungi! Chiddi prumettunu a luna, e alla fine quannu sunu belli assittati dununu funci, e sparti mancu di chiddi boni, ca almenu unu si fa 'na bella frittata cu l'ova, no, ti dununu fungi di chiddi scaffitusi ca ti fannu veniri l'acidità 'nda vacca l'arma.

MARGH: senti Ezio parra potabili ca ju tutti 'sti metafori ne staiu capennu.

EZIO: e allura mentri ca non capisci o ca non voi capiri, tu dicu bellu e chiaru. Chiddi, cu tutti ddi belli paroli ca dicunu, tutti ddi surrisi a 97 denti, tutti ddi prumissi ca fannu a povira genti, non fannu auttru ca alimentari a spiranza de poviri chistiani ca non sannu chiù unni aggrapparsi pirchè per un motivo o pi n'auttru, sunu arrivati o capolinea. Insomma comu ti l'haia a diri: piggiunu p'e cannarozza a povira genti ca pi disperazioni o pi 'gnuranza ammuca ausi passuluni.

MARGH: ma chistu è un caso diversu; stamu parranu di Pignataru, criscemu assemi, e mi dissi ca a nuvauttri 'stu favuru nu faceva.

EZIO: ma quali favuru? Quali criscemu assemi? No capisti ca ti voli sfruttari pi inchirisi ancora i cianchi cu mia: u cumparatu, accucciantina, a vasata de manu, a chi hava addivintatu u viscuvu? Pi non parrari appoi de voti ca voli do me sindacatu.

MARGH: e va beni, ma chi ti costa?

EZIO: a facci. Mi costa a facci e l'onore; ecco chi mi costa. Comu mi presentu o sindacatu e ci dicu agli iscritti di daricci u votu a ddu aboriggenu di Attilio?

MARGH: ma tu si u segretario provinciali, di tia hannu stima e t'ascutanu.

EZIO: e appuntu pirchè sugnu u segretariu provinciali, haiu a dari l'esempio. Cara mia a stima chi tipari ca si coghi supra all'arberi? E no. Si simina co propriu comportamentu, si cura e si fa crisciri dando l'esempio e appoi, all'ultimu si coghiunu i frutti.

MARGH: ma fallu pi to figliu.

EZIO: e ci torna! Ma chi esempiu ci dugnu a me figliu su ju sugnu u primu ca mi piegu al potere dei politicanti. Che so forzi, ci l'ha fari che so forzi. Iddu è in gamba e vedrai ca prima o poi arriva unni addesidera u so cori.

MARGH: e su fa qualche fissaria? Ti dissi i paroli ca ci 'ntisi pronunciari: la faccio finita.

EZIO: e ju ti dissi ca mai nessuno entrerà in casa mia, specialmente ddu cosu lariunu di Pignataru, ca appoi fra l'altu fa un fetu! Su arriva ca arriva a trasiri ccà, ama a fari a disinfestazioni tutta a palazzina.

MARGH: ma chi dici? Su havi a segreteria a ccà sutta.

EZIO: e infatti no senti quannu c'è sciroccu chi tanfu ca arriva?

Scena II
(*Margherita, Ezio, Salvo, Daniele*)

Salvo entra cantando vestito da rapper, jeans larghi, felpa, cappelo.

SALVO: (*rappando*) sono un ragazzo fortunato...

EZIO: si fortunatu ca ancora non t'haiu spaccatu dda testa malata ca c'hai. Ma comu si vistutu? Comu ti cimmunasti? Chi t'accastati i robbi in crescita?

Salvo risponde rappando le parole ed accompagnandole con un balletto rap.

SALVO: (*rappando*) ciao babbo, ciaciao babbo, babbo cià, cià, cià babbooooo...

Ezio ghi da uno scappellotto in testa.

MARGH: avaia ca u astruppi o picciriddu.

EZIO: no, è ca si hava a bloccatu u discu.

SALVO: (*ancora rap*) ehi papy, tu mi picchi papy, lo scalpellotto per me è 'na violenza, dammene mezza di questa tua violenza, viva l'amore e la libertà. Ehi babbo, ehi babbo. Ehi!

EZIO: (*imita il figlio in un tentativo parodizzato di rap*) sentimi beddu ti dicu pappareddu, su non ci a taghi i pigliarimi pi babbu, auttru ca menza ti dugnu 'na violenza, ca p'abbissarti ci voli l'ambulanza. Ehi ehi, u capistu ora? Ehi.

MARGH: *(anche lei rappando)* e chi su beddi, taliali patti e figliu, parunu a volpi ca assicuta 'nu cunughiu, e senti Ezio vidì su u po mullari, ca avemu cosi chiù 'mpurtanti di parrari.

SALVO: *(ancora rap)* ma è troppo ganzo la mamy che mi rappa, e poi c'è il papy che in testa c' ha la grappa, *(vedendo Ezio che va verso di lui con fare minaccioso)* ma adesso vado ca vidu mali frusculi, prima oggi m'acchiappu dui cazzottuli. *(Uscendo)* usculi usculi, eih, usculi tu.

Si riprende a parlare normamente.

EZIO: a chistu non u ricupiramu chiù; oramai u persumu definitivamente.

Daniele rientra vistosamente scorato dopo l'ennesimo fallimentare colloquio.

DANIELE: ciao.

MARGH: ciao Tesoro. Di unni veni?

DANIELE: da un colloquio. L'ennesimo.

MARGH: ma n'o sapevu ca oggi avevi un colloquio.

DANIELE: mamma ju colloqui ni fazzu almenu dui o jornu, ma oramai mancu vu dicu chiù quannu ci vaiu.

MARGH: e pirchè?

DANIELE: ca pi non darivi colliri supra a colliri.

MARGH: ma quali colliri! E senti, senti a mamma chistu, l'ultimu ca facisti, comu ivu?

EZIO: a certu ca a tia Sherlock Holmes ti fa un baffo; cogli immediatamente tutti i particolari.

MARGH: pirchè ?

EZIO: ca no vidi o carusu comu è scuru 'nda facci!

MARGH: ma pirchè ivu mali.

DANIELE: no, mali no. Ju ci arruspunnì a tuttu i dumandi ca mi ficiunu, e iddi comu o soliti mi disssunu: le faremo sapere.

MARGH: e allura di chi ti preoccupi? Daccillu u tempu.

DANIELE: a chi tempu ci haiu a dari? Appena niscì, trasivu un carusi ca prima hava aspittatu cu mia 'nda l'anticamera. Appena l'esaminatore u visti, festi, fistunu ca ci fici: Michele, fianalmente ti decidisti ad accettari a proprosta ca ci avevu fattu a to pattri, il mio carissimo amico, e accettasti 'stu postu ca era ca bellu e prontu ca ti aspittava.

EZIO: ma comu? U postu u aspittava e iddu e sparti u schifiava?

DANIELE: ca u Signuri ci manna u pani a cu non havi i denti!

MARGH: e appoi?

DANIELE: e appoi l'esaminatore ci fa a segretaria: Elsa, puoi mandare tutti gli aspiranti a casa, abbiamo appena trovato il nostro nuovo impiegato. Ju non sacciu chiù chi fari! Non sacciu comu mi finisci! Comunque, ora staiu jennu 'ndi Federica, ni videmu a 'sta sira (*esce*).

Scena III
(Margherita, Ezio, Salvo)

Per le prossime 4 battute (Margh-Ezio-Margh- Ezio) si crei una tensione emotiva (anche per mezzo delle luci) che rifletta la reale drammaticità del momento.

MARGH: ma no vidi? No vidi in chi statu di desolazione è to figliu? E tu ancora pensi a to bedda facci, a reputazione, a l'onore. Ca scinni, scinni di 'stu piedistallu unni si acchianatu ca pari un pappaiaddu supra o trespulu, e accetta a tristi realtà. Talia comu va u munnu appiddaveru. Non è tempu di ideologie nobili, oggi sunu battaglie perse, ora è tempu di purtari un muzzucuni di pani a casa. E tempu di campari!

Ezio riflette.

EZIO: vidi Margherituzza mia, ju in tutta a me vita haiu a fattu l'operaiu, m'haiu susutu e 5 ogni matina pi purtaru, comu dici tu, un muzzucuni di pani a casa. Haiu a fattu sempri u me travagli onestamenti e cu dignità, senza mai farimi mettiri i pedi in faccia di nuddu, patruni o non patruni. Vidi cori miu, ha statu 'na vita dura, faticosa e u sai chi è ca ogni matina m'ha fattu susiri cuntenti e in paci c'a cuscenza? I me fighi, tu, a me dignità! Non haiu a statu mai u lecchinu o u sciacquinu di nuddu, e pi chistu tutti mi rispettano, pirchè non haiu mai scinnutu a compromessi. E ai me fighi 'sti valori ci haiu trasmissu. Ora tu mi dici ca p'o beni di Daniele haiu a rinnegari tutti i me valori, haiu a sarvari d'intra a 'n cassetto a me dignità e m'haiu piegari, c'haiu a fari a riverenza a Pignataro, politico da chiù vascia specie. E ju, ju chi possu fari secunnu tia? Si, c'haiu un onori, 'na reputazioni, 'na facci, insomma sugnu un omu, ma chiatuzzu miu, prima di tuttu sugnu 'n patri, e 'n patri pi 'n figliu va a moriri. Mori di corpu, di spiritiu; mori suffrennu, ma mori cuntentu. Ju, a muggheri, accetu i to paroli, oggi moru, ma ca spiranza ca me fighiu, accumulincia a campari.

MARGH: (*commossa*) grazie Ezio, grazie.

EZIO: non c'è nenti d'arringraziare, chiuttostu o manna a chiamati a Pignataru accusi facenu zoccu ama a fari.

Clima di nuovo leggero.

MARGH: Salvuccio, Salvuccio.

SALVO: (*Rappando*) si mamy si mamy, dimmi mamy, yoh!

MARGH: Salvuccio pi cortesia, scinnu a ccà sutta 'ndi Pignataro e ci dicci ca acchiana subito pi dda storia ca sapi iddu.

SALVO: (*Rappando*) Pignataro, ma che dici? Ni finisci a porta Aci, con il papy ca c'è ccà gran battaglia ci sarà.

MARGH: non ti preoccupari fai comu ti dissi ca non succeddi nenti.

SALVO: (*Rappando*) vado mamy, vado vado mamy (*esce*).

EZIO: dicisti onorevole regionale?

MARGH: pari di si.

EZIO: ma cosi con non ci si po cridiri. Comu u ponnu fari deputatu della regione Sicilia a unu ca su ci spì quali e' u capoluogo dill'isola t'arrispuuni Taormina, e su ci addumanni quali è u vulcanu attivu chiù granni dill'Europa t'arrispuuni ca è so cugnatu Carmelo.

MARGH: Carmelo? E pirchè?

EZIO: ca pirchè dd'armali pisa quantu 'na muntagna, qualche 165 chila pisa, e arutta da matina anfinu a sira. Comunque circamu di fari 'na cosa veloci ca ju no sacciu quantu possu arresistiri.

MARGH: va beni facemu 'na cosa lampu e stampu.

EZIO: anzi ora u sai chi fazzu? Mi vaiu a prepararari tannicchiedda di acqua c'o bicabbonatu.

MARGH: pirchè, chi ti doli a panza?

EZIO: pi accomora no! Ma a preparu preventisticamenti, alli voti vidennu a ddu cosu lariuni di Pigna, mi sburdi u stomucu e mi veni di vumitari!

Scena IV
(Margherita, Ezio, Pigna, segretario, Salvo)

Entra Salvo con al seguito il segretario.

SALVO: (*Rappando*) eih papy, eih mamy, eccoci qua. Questo è il segretario, Pigna resta fuori, dice che per ora e meglio stare lì.

EZIO: ma comu u segretariu? Chistu non era u parrinu bocciatu, ca vinni pignati?

MARGH: appoi ti spiegu!

EZIO: appoi mi spieghi? Appoi tutti e dui ni facemu i cunti!

Il segretario entra vestito come una guardia del corpo: occhiali da sole e grosse cuffie auricolari a cerchietto. Con passi decisi va verso Ezio e lo perquisisce.

EZIO: *(ridendo a causa del solletico)* ah, aah, aaah...avaia patri e parroco, chi fa? Fermu ca mi staiu cartighiannu tuttu paru. Aah, aah! Ci dissi fermu ca m'attisanu tutti i pila da carina.

MARGH: m'ummagginu chi bellu spittaculu!

SEGRET: *(dopo avere finito di perquisire Ezio, portandosi un polso alla bocca come se avesse un microfono)* libero!

EZIO: a chi libera? Chi libera? Fermati fermu ddocu unni s'attrova! E appoi dicu ju, chi ci parunu maniere educati? Pirciò, arriva vistutu di 'sta manera ca pari un becchinu, occhialuni nivudi ca pari u ciecu di Sarrentu, radio cuffia ca pari ca si 'sta sintennu a partita e cu dda gran facci di fissa, voli liberari, a me casa? Capaci ca sparti oggi ha mangiatu ciciri e triaca pasta, e cu 'na ciusciata liberica stermina 'na famighia sana. Fremmo ddocu! Incrociassi i jammi, strincissi i vudedda intestiniferi, e rimandi il momento liberatorio a quannu sarà accoffolato nel suo personale accogliotore universalmente riconosciuto e stimato, di immarazzamenti.

SALVO: u cessu dda so casa va!

SEGRET: ma cosa a capito?

EZIO: cosa ho capito? Chi è ca voleva fari lei! Lei ha appena dichiarato ca voleva liberari, insomma voleva sganciari, anche se non ho capito bene su voleva muddari 'na bomboniera oppure uno striscione. Comunque sia si voleva alliberari u stomacu!

SEGRET: magari fussi accussì semplici, magari i so paroli arrivassunu o cielu! Ju haiu a statu sempri stiticu...

EZIO: appiddaveru?

SEGRET: stiticoni. Si deve figurare ca mi sannu senturi Melu 'ntuppateddu.

EZIO: ah, l'importanti è ca non a sannu sentiri Melu crastuni! Ma senta, allura libero chi voli diri?

SEGRET: è un messaggio in codice che usiamo noi *(distorcendo la pronuncia)* boddry gard

EZIO: baddi chi?

SEGRET: sì, insomma noi guardie del corpo. Libero voli diri che ho perquisito il sospetto, e iddu era pulito di qualsiasi arma ferente, contuntende e astruppiante.

EZIO: e lei cu 'sta facci ca pari a signa da villa cu 'stu fisicu ca pari 'nu sceccu inghiaiatu, chi fussi una guardia del corpo? Ci vulissi cu talia a lei!

SEGRET: si, sono anche guardia del corpo. E adesso per completare la mia ispezione pre introduttiva dell'onorevole, dovrei perquisire la signora.

MARGH: senti ogenti doppiu zeru...comu a farina, appena non t'allaschi pi subbitu oppuri ti avvicini di n'altu menzu millimitru, ju prima ti rumpu i jammitti e i catinazza do coddu, dopu ti tumpuliu e alla fine ti capuliu ausi quannu preparu i puppetta co sugu! Mi ho spiegata chiara?

SEGRET: come il sole a mezzogiorno.

EZIO: e senti Ginos Bons de poveri , unnu è u to principali, accusi ci livamu 'sta farsa!

SEGRET: lo presento subito. *(Prende la solita trombetta e comincia a suonare).*

EZIO: e chi arrivavu u circulu equestri? Ci mancunu sulu du liottri e semu completi.

SEGRET: signora e signore, elettristici...

MARGH: si stagnini.

SEGRET: la lacrima dall'occhio mi scende, il mocco del naso mi cola, l'ascella mi suda fremente, perché ora annuncio l'aurora...

EZIO: au a certu ca è un poetas, a confrontu i vannati di Tino u pisciaru quannu porta u muccu friscu, nenti sunu. Margherita, ma a chistu unni u piggiavu o mercatinu de pulici. Non nu pottumu scudduriari ciù.

SEGRET: *(in crescendo)* il grande, il mitico, il plus e l'ultra...

EZIO: si e l'extra vergine di oliva! Auh ta voi dari 'na mossa?

SEGRET: il fra poco onorevole, Attilio Pi-gna-ta-ro!

Da fuori si sente...

ATTILIO: pozzu trasiri?

SEGRET: si certo onerevole, entri.

ATTILIO: semu sicuri!

EZIO: trasi forza, ca nuddu ti mangia

Il segretario ricomincia a suonare, mentre Pignataro entra col solito incedere fiero e tronfio. Saluta con le mani il solito inesistente pubblico d'ipotetici estimatori.

EZIO: eccolo Margherita, arrivavu u liotru!

ATTILIO: Ezio, Eziuccio mio del cuore,

EZIO: si do ficutu!

ATTILIO: finalmente dopo tutto questo tempo temporalmente che è passatamente passato, mi onoro, onoratamente di essere accogliuto in questa tua domiciliaramente, dimoristicamente, casa.

SEGRET: (*applausi scroscianti*) bis... bis...

ATTILIO: e per il lieto giorno che staticisticamente sono ritrasuto nella tua casa, ho portato per festeggiare alla fine di tutto quello che dovemo diricci, dei paste e una bottiglia di spunante friscu, fruscu. Segretariu consegnu i dolciferi alla signura Margherita

EZIO: (*con una freddezza palesemente in contrasto con il calore affettato di Pignataro*) cosu, assettiti e parra anzi, spara.

ATTILIO: sparù? E che cosa?

EZIO: di gran m...

MARGH: (*interrompendo Ezio*) Attilio, me maritu sapi tutti i cosi, dunque possiamo andare subito al dunque.

ATTILIO: sarò sintattico e diurettico.

EZIO: mi dissi me mughieri ca tu, pi aiutari a me figliu hai delle condizioni!

ATTILIO: e si mio caro...

EZIO: u caru ci u poi accuminciari a livari.

ATTILIO: ecco appunto! La prima condizione, ma non chiamamula condizioni...

EZIO: a no? Allora a chiamamu co so nomu, a chiamamu, ricattu!

ATTILIO: condizioni, va beni condizioni. Dunquemente, la prima condizioni è che tu riconosci ufficialmente il zitaggiu fra i nostri figli.

EZIO: zitaggio riconosciuto. (*Guardando Salvo che in un cantuccio sta ballando ascoltando un walkman*). Dda è, talialu chi è beddu du pileri di to jenniru.

ATTILIO: bene anzi benissimo, non potevamo cominciare megliamente. Ora c'è anche una sotto richiesta. Tu caro Ezio, da ora in poi mi devi chiamari, compari!

EZIO: chi? A chi antappasti a testa contru a l'archi da marina?

MARGH: Ezio per cortesia, n'avuma a discurutu. È per il bene di nostru figliu!

EZIO: po beni di nostru figliu

MARGH: si.

EZIO: talia chi m'hau a sumputtari. (*Balbettando fino a non farsi capire*) cumpari aaa...

ATTILIO: ah?

EZIO: (*ancora balbettando fino a non farsi capire*) cumpari aaa.

ATTILIO: come?

EZIO: (*a voce alta*) cu...cum...(i*accompagnando il gesto con la mano*) cumpari...a manu, scumpari a manu!

MARGH: avaia Ezio! Non ti preoccupari Attilio u tempu ca s'abbia.

ATTILIO: occhestra. Ora la secunna condizioni. Chista è una condizioni, come dire sentimentalistica. Ezio tu, mi devi addumannari scusa pi comu ti hai cumpurtatu in tutti questi anni e...e m'accucciari comu a 'n frati.

EZIO: e chi stamu jennu a trasiri a trasiri? Accuminciamu comu cumpari e 'ndo giru di tri minuti addivintami frati! A possima richiesta chi è ca ni ni fujemu?

ATTILIO: ma quanto sei burlone, fratello mio. Allora mu dici scusa?

EZIO: (*bisbigliando*) scusa.

ATTILIO: comu?

EZIO: vicinu Milanu e sutta a Torinu.

ATTILIO: non ho sentito, non ho sentito le scuse.

MARGH: avaia Ezio, non fari u pucciriddu.

EZIO: u picciriddu veru? Sparti! Attilio ti schiedo scusa per come mi ho comportato in questi ultimi anni.

ATTILIO: ma chi dici Ezio? Ma quali scuse, non ce n'era di abbisogno!

EZIO: comu no? Ma su ora ora mi dicisti... (*alla moglie*) ma allora chi è cretinu attunnu!

ATTILIO: non voglio nessuna scusa da parte tua, anzi ti dirò di più.

EZIO: di più?

ATTILIO: e si proprio di più.

EZIO: si Attilio, ma ma su n'incastramu in tutti 'sti più, non ni ni niscemu più. Dimmi chiddu ca mi devi dire e non ni parramu, chiù!

ATTILIO: giusto. Caro compare fraternico Ezio, sono io, io Attilio Pignataro che ti addumannu scusa e a partire da oggi assepolgo l'ascia di verra.

EZIO: (*ironico*) bih, sugnu troppu commossu. Cridimi sugnu accussì cummossu ca oggi a pranzu non mangiu.

SEGRET: ma sono le 5 del pomeriggio.

EZIO: appiddaveru? E va beni sarà per la prossima volta.

ATTILIO: e ora, ora fratuzzu, accucciamuni.

EZIO: Margherita, prepara l'acqua ossigenata.

MARGH: pirchè?

EZIO: accussì dopu l'accucciata mi sdisinfettu tuttu paru.

ATTILIO: vieni frate, abbracciami e baciami.

EZIO: Attilio, ju t'accucciu, ma appena provi macari sulu a fari a mossa di darimi un baciù, t'acciuncu!

Mentre si abbracciano, giubilo generale e musica del segretario.

ATTILIO: (*asciugandosi le lacrime*) Ezio, non puoi capire quali felicità tu mi stai dannu oggi, e appoi questo abbraccio è stato l'ipsicosi delle emozioni.

EZIO: a mia mu dici? Ancora c'hau tutti i carni arrizzati.

ATTILIO: belli, belli emozioni appiddaveru. Avanti e ora la mia terza condizione.

EZIO: sintemu st'auttra.

ATTILIO: in quanto futuro onorevole...Ezio, mi devi baciri la mano.

EZIO: e cu eri u banditu Giulianu?

ATTILIO: no, un prossimo onorevole.

EZIO: ca è quasi a stissa cosa. Attiliu ju a manu non ta vasu mancu su scinni l'Arcargelu Gabriele cu tutti i filistei. Tu poi livari da testa.

MARGH: Ezio, non fari capricciah, eri d'accordu macari a chistu.

EZIO: ma sa fari pi forza?

MARGH: si

EZIO: pi forza pi forza?

MARGH: pi forzissima.

EZIO: ma cosi de pazzi va. Ju ca 'nda me vita a manu non ci l'ahiu vasatu mancu a me soggira, ci l'hau a vasari u 'stu cosu lariu ccà.

ATTILIO: allura accetti? (*Gli porge la mano*).

Ezio senza parlare chiude gli occhi e schifato gli bacia la mano.

ATTILIO: Ezio non poi capiri chi gioia e chi soddisfazioni ca oggi mi stai dannu...

EZIO: senti amico bello, cerca di taglialla cu 'sta nuvena da gioia e da soddisfazioni ca ti facisti lisciu. Avanti dimmi quali è l'ultimu desideriu accussi ci a finemu.

SALVO: (*ridendo*) l'ultimu desideriu, e chi e stava murennu?

EZIO: ca speriamu o ca u Signuri su arricoghi currennu.

MARGH: avaia ma chi dicitu patri e figliu?

ATTILIO: tranquilla Margherita su tutti jorna ca crisciunu. Allora, il mio ultimo desiderio, comu u chiamasti tu, è ca mi aiuti con i voti del tuo sindacato a battere il mio avversario nel quartire, Fulippo Ippolito detto u beddu.

EZIO: pi chistu m'impegnu, ma non ti possu garantire nenti.

ATTILIO: e a me basta il tuo impegno, caro compare Ezio.

EZIO: si ma cu 'stu cumpari non n'allaggamu troppu assai. Va insomma, non spargemu troppu assai a vuci.

SALVO: (*Rappando*) eih papy, io esco papy papy, io vado a sgenzo dalla ganza papy (*esce*).

EZIO: addivettiti. Attiliu u vidisti chi preiu di jenniru ca c'hai?

ATTILIO: è un tipu giniusu e appoi sempri allegru, ca canta. Ma senti chi voli diri a sgenzo dalla ganza?

EZIO: ca si sta jennu a addivettiri cu to figlia!

ATTILIO: ma, comu?

MARGH: tranquillu Attiliu, i carusi hannu a testa a postu.

EZIO: ju non mi preoccupassi da testa!

ATTILIO: come?

EZIO: nenti, nenti. Chiuttostu, tu allura ti impegni ad aiutari a me figliu a truvare un lavoro?

ATTILIO: da adesso stesso medesimamente medesimo. *(Al segretario che in un cantuccio si era appisolato)* segretario, segretario!

SEGRET: *(ridestatosi)* si, che c'è, comandi!

ATTILIO: appena in ufficio, mi raccomando chiamiamo pi subito a quell'amico.

SEGRET: si onorevole. Onorevole, ma quale amico onorevole?

ATTILIO: quello, quello là ...in quella posizione là...capisci a me!

SEGRET: ah capisco a lei?

ATTILIO: si bravo, capisci a me!

SEGRET: ca va bene. *(Al pubblico)* ma quali amicu? E quali posizioni? Mah, ju nenti haiu caputu. Appatti u fattu ca u personaggiu chiù importanti ca canusciemu e don Cola da miccera, ca sparti avanza ancora 30 euru. Chiddu su non prima saldamu auttru ca favuri, ni fa fari i cursi.

ATTILIO: bene allora mio caro Ezio, mia cara Margherita, adesso il segretario ed io torniamo nella mia segreteria politica a preparare il contratto nel quale verbalizzeremo quanto detto fino a questo momento.

EZIO: ma comu verbalizzare? E allura affinu ad ora ama jucatu? Non ama fattu nenti?

ATTILIO: questo era un accordo verbalico, ma u sai comu si dici: verbu avvolam mentris a scritta arrestas.

EZIO: e l'abbraccio, a vasata di manu?

ATTILIO: quelle erano le prove generalizzate. Ma tranquillo, pi chiddi acchianu una bella machina fotografica di chiddi elettrodomestiche, accussì immottaliamo il momento rachitico. Segretario andiamo. Cari noi andiamo, scriviamo e torniamo.

Attilio ed il segretario escono.

EZIO: ma cosi, cosi...e allura affinu a ora ha statu tempu persu? Ama jucatu! E tu, tu Margherita u sapevi di 'stu cuntrattu?

MARGH: assolutamente no, tu giuru.

EZIO: e certo c'era d'immaginarasillu. Chiddu Pignataru è un truffaldino senza dignità, è un politico di quelli con la p minuscola. Ma vidi un patri chi sa sumpurtari per il bene di un figliu. Quantu mi ammuco un pasticcinu, ca c'haiu a vucca amara comu u vilenu. Chista e' a bili, chi ti pari?

MARGH: ma chi dici? Quali bili!

EZIO: bili è, ascuta a mia ca ni capisciu. Questa amarezza bocchifera e' causata da bili nivura ca sbomica do ficutu martoriatu do nervusismu ca c'haiu.

Ezio apre il pacco con i pasticcini.

MARGH: aspetta Ezio, no sintisti chi dissi Attilio: questi pasticcini ni mangiuamu appena strinciuto l'accordo.

EZIO: ma chi mi stai cuntannu a mia! Ju fazzu zoccu vogliu e quannu vogliu, oppuri tali ca ddu bestia di Pigna sicca a cumannaria macari a me casa! *(Prende un pasticcino in mano)* eccolo, u vidi chi e' beddu? M'ammuccu chistu ca panna, a facci di Attilio, do segretariu e dei padroni burattinai ca movunu i fila.

Scena V
(Margherita, Ezio, Daniele, Salvo)

Daniele mentre sta rientrando a casa, incontra il fratello che gli racconta cosa sta succedendo. Ovviamente non è d'accordo dunque rientra in fretta per cercare di fermare quello scabroso accordo.

DANIELE: *(entrando)* fermi, fermi !

Ezio che stava per mordere il pasticcino resta bloccato in una posa comica.

EZIO: mizzica ouh, non fu pasticcinu ca mi potti mangiari!

DANIELE: cosa state facendo?

Nel frattempo entra Salvo che mentre si svolge l'azione resta nella stanza ballando con le cuffie alle orecchie. Ad un certo punto comincia a frugare fra le carte e i volantini elettorali posati su di un mobile.

EZIO: veramenti stavu circannu d'ammuccarimi 'stu bigne' in santa paci, ma mi pari ca ci pozzu livari manu. U sapevu ju, 'sti dolci sunu mala suddati comu a chiddu ca i purtavu.

DANIELE: chi facisturu? vi siete venduti a Pignataru?

EZIO: to matri. È tutta curpa di to matri. Ju non c'entru nenti, sono stato costretto per cause di forza maggiore.

DANIELE: mamma, propriu tu mi fai 'sti cosi? Perciò, mi avete rescio con una dignità e rettitudine morale ca mancu un principi designatu. Mi avete insegnato di nicu nicu l'importanza dei sacrifici, del lavoro duro ma onesto, il valore della propria onestà ca non deve mai e sottolineo mai, essere barattata cu neenti, mancu cu un pezzu di pani quannu stai murennu siccu, e appoi chi mi cumminati...vi vinniti a Pignataru!

EZIO: idda, to mattri ci curpa, tu dissi.

DANIELE: no papà su 'sta cosa succidivu è macariu pi volontà tua. E anzi sugnu particolarmenti meravigliato di tia. Ma comu, tu sindacalista cunvintu, da tutta la vita contru i suvirchiarì de putenti, cedi alle promesse senza criteriu di un politichettu di quattro soldi ca cunta quantu u dui di coppì ca bruscula a oru? Ma allura in tutti questi anni m'hai cuntatu fissari, menzogni!

MARGH: no a mamma, to pattri non ti ha dittu fissari e cridimi tu dicu co cori di 'na mattri in manu. Su arrivamu a tantu, su arrivavamu addirittura a mintirini 'nde manu di Pigna, fu sulu po to beni. Cridimi Daniele, ni chianci u cori a vidiri un carusu comu a tia di valuri, assinnatu e ca ha fattu tantissimi sacrifici pi farisi una istruzione, ca non attrova 'na degna sistemazioni pi curpa di tutti ddi tinti raccumannati.

DANIELE: e allura pinsasturu di fari addivintari un tintu raccumannatu macari a mia!

MARGH: si, cioè no. No a mammuzza, tu tintu non sarai mai, tu si un angelu di carusu, e a racumannazioni ca stamu circannu, non è pi avvantaggiariti rispettu all'auttri fighi di ddi mattri, è sulu pi mittiriti nelle stesse condizioni di possibilità.

EZIO: Daniele, ma chi cridi ca è facili pi nuvauttri fari chiddu ca stamu facennu? E pi mia in particolari; ju ci ho dovuto vasari a manu a ddu cosu ingrasciatu di Attilio, la persona chiù ripugnanti e chiù schifusa della faccia della terra. Ju appa agnutticari a me dignità, u me unuri, i miei valori e mutu m'appa sucaria cucuzza e tuttu chistu sulì pi tia, pirchè non possu sumputtari di vidiriti comu un'anima in pena.

DANIELE: (*calmatosi*) mamma, papà, ju u capisciu chiddu ca stati facennu e vi ringraziu pi l'affetu ca mi dimostrati; ma ju 'sta situazioni non a possu accittari. Sugnu amareggiatu pi 'sta società ca porta a genti onesta e con valori saldi comu a vuauttri a essiri custritta a fari certi gesti disperati. Sappiate ca macari ca Pignataru mi putissi abbissari, cosa ca non cridu, ju u postu non u accettu. Ju voghiu cuntinuari a camminari ca testa auta comu m'ata ansigantu. Ah, su sulu u munnu fussi n'auttru, fussi un munnu giustu, tuttu chistu non avissa succidutu!

EZIO: ancora non a succidutu nenti, pirchè (*con ironia*) l'onorevuli ha purtari u cuntrattu. Voli scittu nivuri supra jancu il nostro accordo, comu u chiama iddu.

DANIELE: sparti!

EZIO: a no? E per giunta, questo immemorabile momento u voli macari immortalare cu tanti belli fotografi.

DANIELE: ah, su sulu arrivassi a lettera do CNR...

SALVO: (*rappando*) cnnr, cnr.

EZIO: chi haiu tu ca ti mummurì?

SALVO: (*rappando*) eih tu, caro fratelone, il posto fisso vai rincorrendo, ed un concorso hai fatto assai contento, e la risposta che stai aspettando, eccola qua arriva sorridendo.

DANIELE: chi voi diri Salvuccio, non ti staiu capennu?

EZIO: ca certu, comu u putissimu capiri mai. Ora ci sdunavu ca a parrari cantannu, ausi un marvizzu.

SALVO: (*sventolando la lettera del CNR e sempre rappando*) ecco la lettera che tu tanto aspettavi, e dice che il dottore Danieluccio, ha superato i test ed il concorso, e l'hanno assunto al cnr, ccnr.

DANIELE: (*va da Salvo e prende la lettera*) ma chi mi stai dicennu, videmu? (*Legge la lettera*) egregio dottore Fortuna, con piacere la informiamo che lei ha vinto il concorso come strutturato presso il consiglio nazionale delle ricerche. Potrà cominciare il suo lavoro con decorrenza immediata. Cordiali saluti dottore Litrico, direttore del personale.

MARGH: e chi voli diri Daniele?

DANIELE: (*felicissimo*) voli diri ca vincì u conconcursu e mi hanno assunto come dottore al consiglio nazionale delle ricerche.

MARGH: e chi è bonu a mamma? Chi è un postu fissu?

DANIELE: fissu? Fississimu mamma! È un postu statali, non mi ponnu scugniari mancu che cannonati!

Giubilo generale, tutti si abbracciano.

EZIO: e allura non c'è chiù bisognu di ddu cosa fitusu di Pignataru?

DANIELE: non papà, no. Oramai m'abbissai e con le sole mie forze e capacità!

MARGH: chista fu a Marunnuzza ca ascutavu i me prighieri di mattri. Grazie Marunnuzza, bedda, grazie.

DANIELE: esco, io esco.

EZIO: e unni vai?

DANIELE: da Federica a diricci do travagliu e a 'ddumannaricci di maritarimi! (*Esce*).

MARGH: sugnu o settimu cielu. E finalmente non ci ama addumannari favuri chiù a nuddu. Anzi talia chi fai Salvuccio, scinni a dda sutta e chi di ci a to soggiuru ca non c'è biosgnu ca porta cuntratti e rullini fotografici. L'accordo è scordato!

SALVO: (*rappando*) vado mamy, vado.

EZIO: fermo! Unni vai?

MARGH: ma comu unni va? A diricci a Pigna ca non si ni fa chiù nenti.

EZIO: e chi primura c'è? (*Ironico*) comu, du puvureddu si scomuda a venire finu a casa nostra pi purtari u cuntrattu e stamparini quattu belli fotografi ricordu, e tu ci voi livari 'stu piaciri.

MARGH: non ti staiu capennu Ezio.

EZIO: fra poco capirete. M'arraccumannu a tutti e dui, ora ca torna il verme, non ci diciti nenti do travagliu novu di Daniele, ah! Reggetimi u jocu ca ni facemu quattu risati.

MARGH: ca comu dici tu.

SALVO: (*rappando*) ju pi non sbaghiari ora mi ni vaiu (*esce*).

EZIO: ecco bravu, vottinni ca c'ansetti.

Scena VI
(Margherita, Ezio, Pigna, segretario)

Tornano Pignataro ed il segretario.

ATTILIO: c'è permesso?

EZIO: (*con tono conciliante ed affettuoso*) certo, comu no! Prego cumpareddu mio trasi, chista ormani è a to casa.

ATTILIO: grazie, grazie. Caro compare Ezio, vedo con sommistico piacere che hai pighiato di cuore e ben vulire la nostra riappacificazione.

EZIO: un altro, di quant'havi ca ficiumu a paci mi sentu n'otra persona. Chiù filici, chiù sullivatu, chiù ...araccumannatu, insomma mi senti megghiu, e chistu grazie a tia onorevole Attilio Pignataro beddu del mio cuore di criatura.

ATTILIO: ma quantu mi fa piaciri! Ma comu, rapisti i pasticcini? Ti dissi ca erunu per festeggiare l'accordo?

EZIO: e chi voi caru cumpareddu, facevunu un ciavuru ca non sappi arresistiri e mi n'ammuccai unu. Chi c'è uffusa pi casu?

ATTILIO: ma no, ma quali uffisa! Hai fatto bene ad ammucaratinni unu; bravu.

EZIO: grazie. Ma senti cumpari beddu, u purtasti u cuntrattu?

ATTILIO: eccolo.

EZIO: e a machina fotografica? Non mi diri ca ta scurdasti pirchè ci arrestu mali!

ATTILIO: a purtai tranquillu ca a purtai.

EZIO: no u sai, pirchè? Mi scantai ca non ni putevumu fari a fotografia mentri ti baciavu a manu.

ATTILIO: non ti preoccupari ti dicu, ca ora a facemu.

EZIO: e senti cumpareddu miu, fossi ti chiedu troppu, insomma forsi mi staiu sbilanciannu tancchia, ma non è ca di 'sta fotografia immortalistica del bacia mano ni putissi a viri una copia formato poster; u sai ci vulissi mettiri una cornice di chiddi boni e ma vulissi appenniri 'ndo salottu propriu vicinu alla laura di me figliu Daniele. Tantu hannu u stissu valuri pi mia. Si, la laura tantu sudata di me figliu, e il baciamanu ad un futuro onorevole della regione, ca sparti è me cumpari. Ma vidi chi furtuna!

ATTILIO: ca certu e chi ci sunu problemi? Ma alla sola condizioni ca i spisi di sviluppu e di incornacizzazione sunu a carico miu.

EZIO: ca su n'hai piaciri!

ATTILIO: immensu.

EZIO: e va beni. Ma senti chi fa liggemu u cuntrattu accussì appoi t'alliberu, pirchè sugnu sicuri ca avrai tanti impegni impellenti.

ATTILIO: si raggiuni hai, ho tanti impegni suppellettili. Allora segretario (*il segretario si è appisolato*) segretario, auh, sempri ca dormi è chistu, ma sa perdiri u me nomu su appena acchianu ca acchianu e addiventu onorevoi, a chistu non u rottamu e mi fazzu 'na bella segretaria finicchia e intelligenti. Segretario arrusbigiamuni, segreatario.

SEGRET: presente!

EZIO: si, bestia a cu ci cridi.

ATTILIO: forza liggemu u cuntrattu annacamuni.

SEGRET: do lettura: in data odierna al cospetto della signora Margherita Fortuna e di me stesso medesimo segretario, avanti detti testimoni, avviene l'accordo fra il futuro onorevole della regione Attilio Pignataro ed il segretario provinciale del sindacato Ezio Fortuna, finalizzato alla ricerca e concessione di un posto, dicasi uno, di lavoro per il figlio del suddetto Fortuna. Tale posto verrà omaggiato in cambio del riconoscimento dello zitaggio fra il figlio piccolo del Fartuna e la figlia dell'onorevole, delle scuse del Fortuna nei

confronti dell'onorevole, del bacia mano immortalato in una fotografia appresso allegata a questo contratto, e l'impegno del Fortuna a procurare i voti per battere l'avversario quartieristico dell'onorevole, tale Fulippo Ippolito detto i beddu. Letto, accettato, firmato e controfirmato, le parti.

ATTILIO: comu è, ti piaci?

EZIO: meraviglioso, è a fini do munnu. Chi u scrivisti tu veru?

ATTILIO: modestamente.

EZIO: è inutili Attiliu, ccà 'ndo quarteri si sprecau, a regioni a iri, chiddu è u to postu!

SEGRET: e ora per formalizzare tutto oltre alle firme ci vuole la foto del bacia mano da allegare. Chi fa a facemu?

EZIO: ca certu! Ovviu, immediamenti!

SEGRET: perfetto, allora mettetevi in posa.

EZIO: ma senta segretario, prima di chidda co bacia manu, non a putemu fari 'na bella futugrafia mentri ju e l'onorevole n'accucciamu stritti, stritti?

SEGRET: si, direi che si può fare.

EZIO: e allura veni ccà fratuzzu ritrovato, accucciamuni.

Ezio abbraccia fortissimo Attilio fino a non farlo respirare.

ATTILIO: Ezio, capisco il ritrovato affetto, capisco a fotografia accucciati forti forti, ma accusi, mi sguaddarì tuttu paru; non staiu putennu arrispirari chiù. Fracuntu ca moru accupatu.

EZIO: ma chi vai decennu? Tu campi cent'anni, su a morti non t'arricoghi prima. E appoi caro mio, nella foto chiù stritti semu abbracciati, e chiù assai si vidi ca ni vulemu beni.

ATTILIO: ma si sicuru?

EZIO: sicurrissimu.

ATTILIO: ca comu dici tu. Segretariu però annacamuni a fari 'sta fotografia. Forza lestu ca ca già 'ntisi rumuri intra a scalota toracistica, non vulissi ca fu qualche costola ca s'incriccavu!

Ezio mentre abbraccia Attilio, gli fa le corna dietro la testa.

SEGRET: (*vedendo le corna*) ma signò Ezio, veramenti ddi cosi a l'onorevuli non mi pari ca ci stannu tantu boni.

EZIO: mutu e scatta ca sunu perfetti, pari i 'nvintanu apposta per l'onorevole Pignataro.

SEGRET: mah, a mia mi pari ca non rende bene.

ATTILIO: *(che sta soffocando a causa dell'abbraccio e non ce la fa più)* segretario scatta ca perfettu sugnu. Scatta, scatta prima ca ju schiattu!

SEGRET: comu cumanna vossia.

Dopo che il segretario ha scattato la foto, Attilio si libera dall'abbraccio di Ezio e annaspando cerca di prendere aria.

EZIO: bellissima, chista sar  la foto dell'anno. Appena   pronta dammilla 'na copia ca ca fazzu stampari 'ndo postal markert.

ATTILIO: *(ancora ansimante)* non mancher , non mancher .

EZIO: aspetta, aspetta che ho avuto un'altra magnifica idea. Ora ni facenu una mentri ci allustru i scarpi.

ATTILIO: ma no, mi pari eccessivu.

EZIO: insisto

ATTILIO: avai  Ezio non mi pari u casu. Mentri m'allustri i scarpi?

EZIO: Attilio vidi ca m'affennu ah!

ATTILIO: ca su t'affenni! Segretario scatta.

Ezio dopo essersi genuflesso con un solo ginocchio, prende un piede di Attilio e lo appoggia sulla coscia.

EZIO: segretario, comu semu? Si vidi bomu ca ci staiu allustrannu i scarpi all'onorevole?

SEGRET: magnificamente! Ora fermi mi raccomando, al mio tre io scatto. Uno, due e tre.

Al tre del segretario, Ezio alzandosi, solleva il piede di Attilio fino a fargli perdere l'equilibrio. Con un tonfo Attilio cade in terra.

ATTILIO: aih, aih, aiaih. Mi scunsint  tuttu paru. A carina, mi scucchiai a carina.

Il segretario accorre ad aiutare Attilio.

EZIO: m'a scusari Attilietto, non u cap  bonu. Mi pareva ca al tre ju m'ava a sussiri

ATTILIO: *(rialzatosi ed ancora dolorante)* non ti preoccupare Ezio, a curpa è do segretariu ca è chiù 'ntrunatu di 'na pignata di ciciri arriminati cu un cucchiaru di lignu. Senti, facenu 'sta biniditta fotografia mentri mi vasi a manu pi allegarla o cuntratu e semu appostu. Chi dici?

EZIO: va beni. Segretariu, scattamu!

Ezio si mette in ginocchio nella stessa posizione di prima, ma questa volta prendendo la mano di Attilio.

ATTILIO: Ezio, c'è pericoli ca m'abbi 'n terra n'otra vota?

EZIO: tranquillo, a 'sta vota u sacciu ca al tre u 'ntrunatu scatta e ju non m'hiau a susiri. Segretariu, boni semu?

SECRET: magnificuni. Allora...uno...due...e...

Mentre il segretario conta, Ezio stringe la mano di Attilio fortissimo fino a farlo urlare di dolore.

EZIO: e tri!

ATTILIO: aih, a manu mi fracassasti!

Ezio si alza ed ancora stritolando al mano di Attilio, lo costringe ad inginocchiarsi.

EZIO: tuttu ti fracassu, tuttu! Pezzu di armali di gebbia ca feti chiù assai di 'n centu pedi scavazzatu. E tu chi pinsavi ca ju Ezio Fortuna, nemico numero uno dei padroni, m'inginocchiavu e to pedi e ti baciavu a manu? Tu t'a mettiri in ginocchiu, cosu fitusi. Tu 'nda 'stu munentu non si è pedi me, ma si è pedi di tutti ddi puvureddi, ca disperati ti elemosinanu un travagliu; si e pedi di dda poviri genti senza istruzioni ca cridi a tutti i fissarè ca ci cunti; si e pedi di tutti i genti ca s'allippanu a chiddi comu a tia cu speranza e invece venunu fregati vota pi vota. Scusa, addumannacci scusa a tutti, allura ddocu 'n terra arresti.

ATTILIO: scusa, scusa a tutti, scusa. Ma ora lassami a manu ca ju u duluri non u sumpottu. Fammi susiri, pi favuri fammi susiri.

Ezio gli lascia la mano e gli consente di alzarsi.

ATTILIO: *(ripresosi)* ma comu, e allura u favuri ca m'addumannasti pi to figliu?

EZIO: non mi ni servunu favuri di tia. Me figliu attruvavu un lavoru magnificu con le sue sole forze e senza raccumannazioni. A me figliu u pighianu o cml...o pms...o dlf, insomma u pighianu in un postu statali. E ora via, fora immediatamente dalla mia casa, prima ca m'infuddu appiddaveru. Via, pussa via armale!

ATTILIO: ma comu, u perdoni, u cumparaggiu? Ju purtai macari i pasticcini.

EZIO: e u sai unni ti poi mettiri i to pasticcini! Via fora!

SEGRET: amuninni onorevole, scappamanninni ca mali frusculi ci sunu.

ATTILIO: segretario raggiuni hai, forse è megghiu ca fujemu di tutta cursa. A u sai ca forse tanti addummisciutu non si!

Attilio ed il segretario escono di corsa.

Scena VII
(Margherita, Ezio, Salvo)

EZIO: ah, mi livai un piaciri. Sugnu tuttu arricriatu!

MARGH: ma non cridi ca forse esagerasti un pocu?

EZIO: ma quali esagerai! Chiddu si meritava di essiri trattatu centu voti chiù peggio.

MARGH: sarà...

SALVO: (*rappando*) eih papy il Pigna se n'è andato, e ho sentito che male l'hai trattato, forse 'sta vota ha capito la lezione, e c'a finisci di fari il furbacchione. Eih papy, eih papy, eih.

EZIO: (*rappando*) e caru figliu purtroppo u munnu è chissu, su non c'è Pigna c'è n'altu pezzu i...bip. Chiddu ca cunta è aviricci u guraggiu di non mittirisi 'nde manu di 'n pagliacciu. A stada è longa e certi voti dura, e l'omu sempri si scuraggia pi natura. Non ti fidari di cui offri stradi facili, a facci bedda havi e l'amino di picci. Camina drittu e a testa teni aiuta, ca voli diri ca manteni a dignità.

MARGH: Ezio a u sai ca ci vai troppu bonu a cantari! Pirchi' non ti presenti o festival.

EZIO: ca ora ci pensu. Basta ca a 'sta vota pero' tu voti pi mia.

SIPARIO